

說文解字注箋

說文解字第六下

金壇段玉裁注

番禺徐灝箋

𣎵日初出東方湯谷

湯繫傳作陽毛本同

所登榑桑𣎵木也繫

無𣎵字

象形凡𣎵之屬皆从𣎵

切而灼

𣎵𣎵籀文

注曰宋本作湯別刻作陽非也尙書陽谷自說青

州嵎夷之地非日出之地也○箋曰宋戴埴鼠璞

曰山海經曰陽谷有扶桑十日所浴九日居下枝

一日居上枝皆戴烏如此則扶桑在次寥之表及


觀南齊扶桑傳其地乃在中國東二萬里或謂日

出扶桑以日自東方出耳灝按日出榑桑乃妄誕

不經之說戴氏引南齊書爲證曠若發矇段氏乃於湯陽之異文區區辨別一似湯谷眞日出之地者何其迂邪然榑桑若木之說實傳自古昔故離騷卽已有之此古說之不確者其而灼切之音亦緣若木而改讀也凡說文二篆連屬其形相承義亦相近者皆本一字全書此類不可枚舉多爲後人竄改岐而二之彘卽桑之省體故繫傳云桑从彘聲則彘之本音亦讀息郎切可知矣

**桑**  
**榑所食葉木从彘木**

繫傳作从木  
彘聲息郎切

注曰榑桑者桑之長也故字从彘○箋曰戴氏侗曰榑象木而三其枝譌爲三又古鐘鼎文作籀

文義乃𦵏之譌若从艸右則又自籀而譌也灝按  
戴說尙未盡合竊謂桑从木从三又乃眾手所采  
之義𦵏卽桑之省體鐘鼎文之𦵏則若字所從變  
也因𦵏有而灼切之音故語詞之若从口而用爲  
聲𦵏之下體與右相似上體與艸相似遂變爲若  
假爲擇菜之若又爲杜若之若擇菜卽取義於从  
又杜若則取其从艸也觀擇菜之義則桑之本字  
从三又益無疑矣

文二 重一

艸出也象艸過中枝莖益大有所之一者地也凡之

之屬皆从之

止而切

注曰引申之義爲往釋詁曰之往是也之有訓爲此者如之人也之德也之條條之刀刀是也○箋曰之之言滋也艸木滋長也江陰孔氏廣居曰艸木初出多兩葉對生及其既長則枝葉左右參差故中象初生之形而艸象枝莖益大也戴氏侗引李陽冰說曰出象芝艸出地之形古以此爲芝字鄭漁仲說同灝按之借爲語詞又爲之往之義爾雅曰如適之往也如適之之本義皆非往而借爲往此正所謂本無其字依聲託事也

艸木安生也从出在土上讀若皇

戶光切

古文

此古文原本佚脫今據繫傳補

注曰𡵚𡵚疊韵𡵚生猶怒生也古文鉉本無然宋  
本文二重一則知固有此篆與小徐本同○箋曰  
𡵚與𡵚音同義近𡵚謂艸木𡵚生雖从𡵚亦蔓地  
連萼之象也𡵚與𡵚字形相承𡵚象艸木出地旣  
以一畫爲地若𡵚从𡵚又从土則複而無別戴仲  
達以爲从王聲灝謂古文𡵚从王實挺生之義小  
篆其省體耳此古文原本所無今據繫傳補旣曰  
文二重一則爲佚脫無疑也

## 文二重一

𡵚周也从反之而𡵚也凡𡵚之屬皆从𡵚周盛說  
切

注曰凡物順逆往復則周徧矣古多假禰爲市○  
箋曰廣雅曰市徧也按市象艸木上出反之則面  
面皆徧合市字以見意故曰反之而市

師二千五百人爲師从市从自自四市眾意也

疎夷切

古文師

注曰師眾也眾則必有主之者周禮師氏鄭注師  
教人以道者之儻也○箋曰許說似未確自者小  
阜也市自未足以喻眾段亦敷衍其說今按古獅  
子祇作師爾雅釋獸曰狻麤如魏貓食虎豹郭云  
卽師子也後漢順帝紀注引東觀記曰師子似虎  
正黃有額形尾端茸毛大如斗是也師子威服百

獸故凡帥教爲長者皆曰師三軍之長所帥人眾  
因之師有眾義釋詁曰師眾也二千有五百人爲  
師周禮夏官序官文古文衆象形汗簡作衆云出  
義雲章又作衆云見石經蓋小篆從衆變移其上  
體爲偏旁𠂔象頭與衆禺之類𠂔由象頭同例而  
象足與衆𠂔等篆下體同形

## 文二 重一

山進也象艸木益滋上出達也凡出之屬皆从出

律

切隸  
作出

注曰本謂艸木引申爲凡生長之稱又凡言外出  
爲內入之反○箋曰艸木之萐曰出引申爲凡出



入之僞鄭樵曰等皆五出故象五出之形是也漢印傳於今者多作𠂔

游也从出从放

五牢切放部重出

注曰游本旗游字假借爲出游又假敖爲倨傲○箋曰邶風栢舟篇以敖以遊釋文敖本亦作傲相承增偏旁敖从出从放會意又讀爲傲爾雅釋言敖傲也蓋出游放縱有兀傲自肆之意故兩義兼之

賈出物貨也从出从買

莫遷切隸作賈

注曰出買者出而與人買之也○箋曰出物貨曰賈購取曰買賧一聲之輕重與物美曰好好之曰

亦朱市字者誤以朮爲市也穀之古文作市米字隸變亦作市因以致誤杜說蓋在米下誤移於此

𠂔

𠂔也从米

句

人色也

逗

从子

句

論語曰色𠂔如也

蒲妹切

注曰春秋有星𠂔入于北斗穀梁曰𠂔之爲言猶第也艸木之盛如人色之盛故从子○箋曰𠂔與勃通論語鄉黨篇色勃如也許引作𠂔乃其本字本義𠂔蓋氣盛之貌爾雅釋訓曰勃勃盛也人色故从子从子猶从人也當作从子米聲借爲星氣之名公羊文十四年傳曰𠂔者何彗星也謂其形若彗也穀梁傳曰𠂔之爲言猶第也謂若束艸然

也

𣎵止也从𣎵而一橫止之也

卽里切  
隸作𣎵

箋曰𣎵之言止也其義爲艸木盛而極其文則从

一止之以象意也與毋从一止之同例

艸木至南方有枝任也从𣎵羊聲

那含切

羊古文

注曰當云南任也與東動也一例下乃云艸木至

南方有枝任也發明从𣎵之意漢律厯志曰南任

也陽氣任養物於時爲夏云艸木至南方猶云艸

木至夏也有枝任者謂夏時艸木暢楹丁壯有所

枝格任載也○箋曰古音南任相近故南夷之樂

曰任

文六 重一

艮進也象艸木生出土上凡生之屬皆从生

所庚切

注曰下象土上象出○箋曰廣雅曰生出也生與出同義故皆訓爲進从艮在土上指事生古性字書傳往往互用周禮大司徒辨五土之物生杜子春讀生爲性左氏昭八年傳民力彫盡怨譏竝作莫係其性言莫係其生也十九年傳民樂其性亦言民樂其生也

艸盛丰丰也从生上下達也

數容切隸作丰

注曰引申爲凡豐盛之偁鄭風子之丰兮毛曰丰豐滿也方言好或謂之姪姪卽丰字○箋曰艸部

華艸盛也丰與華音義皆相近司馬相如長門賦  
曰羅丰茸之遊樹兮丰茸茂盛之貌从生下象其  
根

產生也从生彥省聲

所簡切

注曰通用爲畜彥字今南北語言皆作楚簡切○  
箋曰鄭注周禮大宗伯曰天產者動物謂六牲之  
屬地產者植物謂九穀之屬引申之凡物皆曰產  
又凡生皆曰產也

陞豐大也从生降聲

力中切隸省作隆

注曰隆漢陽帝名不云上諱而直書其字者五經  
異義云漢幼小諸帝皆不廟祭而祭於陵既不廟

祭似可不諱然漢志河內郡隆慮避殤帝名改曰  
林慮漢制生而諱故孝宣更名此蓋殤帝在位時  
所改而書成於和帝永元十二年以前未及諱也  
○箋曰爾雅釋山宛中隆郭注山中央高顯按隆  
者豐大之詞引申爲高爲盛因之凡圓頂謂之穹  
隆宛中隆者下視穹隆然也隆从降聲故有降下  
義凡言隆殺或言降殺義得兩通也郭說誤

𦵏

艸木實𦵏𦵏也从生𦵏聲原作𦵏省聲讀若綏佳

切

注曰𦵏與𦵏音義皆同○箋曰艸部𦵏艸木華垂  
見𦵏𦵏相承增艸頭



文一

艸木華葉𣎵象形凡𣎵之屬皆从𣎵

是爲切

𣎵古

文

注曰象其莖枝華葉引申爲凡下垂之稱地理志曰武功坐山古文以爲敦物豈古文𣎵與物字相似故與○箋曰𣎵古音讀若它垂之言墮也其義爲下垂之義則其形亦當爲下垂之形𣎵蓋象枝葉倒垂上曲而折下楚金云从人葉之低垂是也段謂象其莖枝華葉如此則垂意不見矣此與𣎵之上體似同而實異𣎵以上曲象蓓蕾所謂言各有當也今皆借邊垂字爲之而邊陲字又增作陲



文一 重一

𦵏艸木華也从艸𠂔聲凡𦵏之屬皆从𦵏

況于切

𦵏

𦵏或从艸从夸

注曰此與下文𦵏音我皆同今字花行而𦵏廢矣

○箋曰𦵏𦵏相承增艸頭爾雅釋艸華𦵏也華𦵏榮也許以𦵏𦵏爲一字而爾雅別之者蓋故訓有通釋其義亦有但明其聲如初哉首基皆訓始義各不同叩吾台余皆訓我則祇聲別而義無別是其例也𦵏𦵏亦一字而說文別之者以所屬之字相從各異也𦵏古音𦵏方言曰華𦵏𦵏也齊楚之間或謂之華或謂之則西漢時二字異音矣今

江浙人語尙近古音阮氏鐘鼎款識周公𦉰鐘作  
𦉰乃古象形文上象梧蕾下象莖葉小篆變爲𦉰  
耳

𦉰盛也从𦉰車聲詩曰𦉰不𦉰

𦉰于鬼切  
𦉰隸作𦉰

注曰𦉰俗字也當作𦉰今正今詩作鄂亦非也○  
箋曰小雅常棣篇鄂不𦉰𦉰毛傳鄂猶鄂鄂然言  
外發也𦉰𦉰光明也鄭箋云承華者曰鄂不當作  
𦉰𦉰鄂足也顯按古無𦉰字假鄂爲之段改作𦉰  
非是

## 文二 重一

𦉰榮也从艸从𦉰凡華之屬皆从華

戶瓜切  
隸作華

注曰引申爲光華華夏字○箋曰爾雅釋艸曰木之謂華艸之謂榮析言則異渾言無別也○藝本一字因各有部屬之字故分而爲二而鼎臣遂異其音以區別之今字作花後漢書張衡傳百卉含蘂李注引字詁云蘂古花字也說文無蘂字蘂卽蘂也方言蘂化也郭注音花

**𦵏** 艸木白華也从華从白

筠輒切

注曰也當作兒今依文選西都賦注正賦曰蘭茝發色𦵏𦵏猗猗左思白髮賦曰予觀橘柚一皜一皜貴其素華匪尙綠葉○箋曰今文選作𦵏與𦵏同書傳从白从日多互譌

文二

木之曲頭止不能上也凡禾之屬皆从禾

古兮切

注曰此字古少用者玉篇曰亦作礙非是礙在之部禾當在脂部○箋曰繫傳曰木方長上礙於物而曲也灝按从木上曲會意與卅从卅而引長之勺从人曲之同例玉篇曰禾亦作礙五灝古今一切竊謂音五漑切爲是其古兮切者因稽字从禾而誤耳

積

積二字從

多小意而止也从禾支只聲

原作从只聲脫

支字今從

一曰木也

職維切

繫傳補注曰廣韵積樛皆訓曲枝果字或作枳樛或作枳

枸或作枝拘皆詰詘不得伸之意明堂位俎殷以  
枳注枳之言枳枳也謂曲撓之也莊子山木篇騰  
援得柘棘枳枸之間處勢不便未足以逞其能淮  
南書龍夭矯燕枝拘屈曲盤旋之意也○箋曰多  
小意而止者言木枝短小屈曲不能伸也一曰木  
者繫傳引本艸云枳棋樹徑尺葉似桑柘子作房  
似珊瑚核在其端人噉之卽積楸也

積楸也从禾从又句聲又者从丑省一曰木名

切

俱

注曰古音讀如苟亦如勾从丑省丑紐也紐者不  
伸之意一曰木名但謂楸也○箋曰人手指節短

小曲屈積楸似之故从又今以爲又从丑省少迂折矣一曰木名疑涉上文而誤衍

### 文三

**稽** 留止也从禾从尤旨聲凡稽之屬皆从稽古兮切

注曰凡稽留則有審慎求詳之意故爲稽攷禹會諸侯於會稽稽計也从尤者取乙欲出而見闕之意

**特** 止也从稽省卓聲竹角切

注曰錯曰特止卓立也○箋曰特止者無所礙而自止也

**稽** 榘而止也从稽省咎聲讀若皓賈侍中說稽樟

檐三字皆木名

古老切

注曰檐楸雙聲檐楸疊韵有木名檐有木名檐有木名檐皆別一義○箋曰楸之言拘也檐楸蓋有所拘礙而畱止之義彖下複舉檐字蓋以雙聲爲訓賈說未見所出玉篇引說文檐趾而止也廣韵曰網綴類篇曰網飾集韵曰網飾謂之檐一曰禾名

文三

巢鳥在木上曰巢在穴曰窠从木象形凡巢之屬皆从巢

注曰穴部曰穴中曰窠樹上曰巢巢之言高也窠

之言空也在穴之鳥如鵠鵠之屬○箋曰𠂇象巢

川象鳥

𠂇傾覆也从寸曰覆之寸人手也从巢省杜林說以

爲貶損之貶

方飲切

注曰周禮若蕝氏掌覆大鳥之巢曰者巢之省以手施於巢傾覆之意也各本篆體作𠂇誤今依篇韻正作𠂇○箋曰𠂇象巢形从又持一覆之指事各本篆體皆同其下从又而說解云从寸旣曰𠂇又曰从巢省皆岐異蓋此篆隸變爲𠂇與俗書老𠂇無別故後人改从寸作𠂇因竝改許說耳玉篇廣韻作𠂇去其直畫尤非許意據繫傳云曰與一



卽巢之省則篆文本有直畫明矣段氏遽改篆作  
冒亦輕率也杜林說以爲貶損之貶者文選上林  
賦曰適足以卑君自損也晉灼注卑古貶字是也  
卑亦隸變之異文

文二

𣎵

木汁可以髹物从木

二字依段補

象形𣎵如水滴而下

凡𣎵之屬皆从𣎵

親吉切

注曰木汁名𣎵因名其木曰𣎵今字作漆水名非  
木汁也又漢人多假𣎵爲七字史記六律五聲八  
音來始來始正𣎵始之誤尙書大傳漢律厯志皆  
作七始史漢同用今文尙書也从木象形謂左右

各三點皆象汁自木出之形○箋曰七古通作棗  
廣韵有洙字蓋漆之俗體今又譌作柴

𣎵

棗也从棗𣎵聲

許由切

注曰以棗棗物皆謂之棗不限何色鄉射禮記楅  
棗注云赤黑棗也巾車注云髹謂赤多黑少之色  
韋也然則或赤或黑皆得云髹○箋曰段謂不限  
何色是也鄭注楅髹及巾車之髹飾乃就其所飾  
之色而言耳漢書趙皇后傳殿上髹漆顏師古曰  
以漆漆物謂之髹音許求反又許昭反今關東俗  
器物一再著漆者謂之揅漆揅卽髹聲之轉重耳  
髹字或作髹音義亦與髹同今關西俗云黑髹盤

朱髹盤其音如此周禮巾車云駢車髹飾鄭注故書髹爲軟杜子春云軟讀爲漆垸之漆灝按髹者髹之省體或作髹用休爲聲而从髟建類非其義矣或以髹爲髹之省誤也巾車故書髹爲軟軟者漆之假借字故杜子春讀爲漆非謂髹有軟音也蓋漆之轉聲七四切故與軟通廣韵髹髹入尤韵復於至韵收髹字已欠精審集韵乃以髹髹字入至韵而幽韵不收彌爲疎失矣

漆垸已復漆之从漆包聲

匹兒切

注曰旣垸之復漆之以尤其外也○箋曰髹傳曰垸謂以骨灰和漆而爲漆之骨也

文三

束縛也从口木凡束之屬皆从束

書玉切

注曰詩言束薪束楚束蒲皆口木也○箋曰鄭注聘禮曰凡物十曰束易賁束帛箋箋釋文引子夏傳五匹爲束雜記下曰納幣一束束五兩灝按五匹五兩皆二之以成十也束物本無定數此因禮制言之

束分別簡之也从束从八分別也

古限切

注曰釋詁曰流差束擇也凡言簡練簡擇簡少者皆借簡爲束从束从八爲若干束而分別之也○箋曰爾雅釋詁曰束擇也古通作簡周禮大司馬簡

稽鄉民鄭注簡謂比數之从束从入指事八別也

楚金曰開其束而束之也

𦰩 小束也从束𠂔聲讀若𦰩

古典切

注曰齊民要術曰麻策欲小縛欲薄爲其易乾○

箋曰玉篇策或作𦰩禾十把也繫傳曰今俗以鐙

炷爲一策

𦰩 戾也从束从刀刀者刺之也

盧達切

注曰凡言乖刺刺謬字如此旣束之則當藏弄之

矣而又以刀毀之是乖刺也○箋曰段釋乖刺之

義徒望文爲說耳竊謂以刀破束卽是刺之本義

引申爲凡物枉戾之稱楚辭七諫曰吾獨乖刺而

無當兮王逸注刺邪也淮南脩務訓琴或撥刺枉  
橈高誘注撥刺不正也鹽鐵論申韓篇若隱枯輔  
槩之正弧刺也皆枉戾不正之義

#### 文四

**橐**也从束困聲凡橐之屬皆从橐

胡本切

注曰廣韵曰橐大束○箋曰此字从束其義當爲  
束物而訓爲橐者蓋橐無底與橐相類也橐經古  
字通衛策曰束組三百緄又通作捆俗作細

**囊**也从橐省石聲

他各切

**囊**也从橐省改聲

原作囊省聲今從段正奴當切

注曰大雅毛傳小曰囊大曰囊高誘注戰國策無

底曰囊有底曰囊皆析言之也囊者言實其中如  
瓜瓢也囊者言虛其中以待如木櫟也元應書引  
蒼頡篇云囊囊之無底者則與高注互異許多用  
毛傳疑當云囊小囊也囊囊也此蓋有奪字○箋  
曰史記陸賈傳索隱引埤蒼曰有底曰囊無底曰  
囊正與蒼頡篇同諸言有底曰囊無底曰囊者非  
是易坤六四括囊則囊可斂藏物有底明矣囊亦  
或有底如冶鑪之排囊是也囊省聲段訂正作改  
聲是也隸體乃從襄聲

囊車上大囊从囊省咎聲詩曰載囊弓矢

古勞切

注曰樂記鄭注兵甲之衣曰囊鍵囊言閉藏兵甲

也大雅周頌毛傳曰橐韜也齊語垂橐而入韋曰  
橐囊也引申之義凡韜於外者皆曰橐周禮膏物  
鄭注膏當爲橐韜矢之實有橐韜載橐弓矢周頌

文

𦉰

囊張大兒从橐省缶聲

原作𦉰省聲今從段正符衛切

注曰石鼓文其魚佳可佳鰕佳鯉可以囊之佳楊  
及柳囊讀如苞苴之苞蘇軾詩作貫非也○箋曰  
今俗謂物之渾圓宏張者曰囊卽此字義張讀去  
聲膈肱曰胛水之浮漚曰泡並音同義近符衛切  
讀如瓢非是當從廣韵替袍切

文五



○

回也象回市之形凡口之屬皆从口

羽非切

注曰圍繞週圍字當用此○箋曰口圍古今字凡

物回市之形及圍繞之皆曰口古文蓋作圓形小

篆變爲方體

○

天體也从口𠄎聲

王權切隸省作國

注曰天體不渾圓如丸故大戴禮云參嘗聞之夫

子曰天道曰圓地道曰方盧云道曰方圓耳非形

也

○

圓也从口專聲

度官切

注曰周禮假專爲圓大司徒注專圓也○箋曰戴

氏侗曰圓古單作專亦通作搏周禮曰其民專而

長考工記曰搏身而鴻今人謂之突樂突樂之合

爲圓

𠔁

規也从口同聲

似沈切

箋曰此疑卽圓之異文

𠔁

回也从口云聲

羽巾切

注曰圓回二字疊韻雲下曰象雲回轉形

員

圓全也从口員聲讀若員

王問切

注曰圓者天體天屈西北而不全圓而全體則上

下四旁如一一是爲渾圓之物○箋曰許意謂圓言

還繞圓則中規今方圓字多通作圓圓讀若員者

古音也廣韻員圓竝王權切員又王問切姓也詩

作負



轉也从口中象回轉形

戶恢切



古文

隸作回

注曰中當作口外爲大口內爲小口皆回轉之形

○箋曰段謂內外回轉是也其云中當作口則非

小口亦口字耳中字蓋誤衍小雅鼓鐘篇其德不

回言德性堅定不轉移也左氏昭二十年傳不爲

利疚於回言不爲利疚而改其操守也回之引申

爲回旋爲迂回迂有曲義故回亦訓爲裏曲因之

有姦回之傳古文回蓋象水旋轉之形故顏回字

淵水部曰淵回水也



畫計難也从口从畀畀難意也

徐鉉曰規畫之也故从口同部切

注曰曷者嗇也慎難之意○箋曰許以旨爲難意未詳其指竊謂圖卽畫圖之義周禮大司徒掌建邦之土地之圖內宰掌書版圖之灋是也旨卽都鄙之鄙版圖故畫都旨也从口旨者環其都旨而圖之也引申爲凡圖象之稱又爲凡圖謀之義

**圖**

回行也从口𠂔聲商書

原本作尙今從段正

曰圖

句圖

退升

雲半有半無讀若驛

羊益切

注曰回行謂回曲而行商書謂洪範曰圖唐衛包

改爲曰驛而尙書正義詩齊風正義皆作曰圖此天寶以前未改之本也○箋曰洪範乃命卜筮曰兩曰霽曰蒙曰驛曰克據孔疏蒙本作霽驛本作

圍見校勘記傳曰蒙陰闇驛氣落驛不連屬克兆  
相交錯正義曰雫聲近蒙是陰闇也圍卽驛也落  
驛希疎之意克謂兆相交錯王肅云兆相侵入蓋  
兆爲二拆其拆相交也鄭元云克者如雨氣色相  
侵入灝謂此皆以其似雲氣爲言氣落驛不連屬  
正是外雲中有半無之義克亦謂雲氣相交錯耳  
正義又曰今之用龜其兆橫者爲土直者爲木斜  
向徑者爲金背徑者爲火因兆而紐曲者爲水其  
義正與此相備也圍之本義謂回行曲行也假爲  
雲氣之偶

國

邦也从口从或

古或切

注曰邦國互訓渾言之也周禮注大曰邦小曰國析言之也戈部曰或邦也古或國同用邦封同用

**壺**

宮中道从口象宮垣道上之形詩曰室家之壺

切

注曰釋宮曰宮中街謂之壺郭云巷閭門道也从口象宮垣餘象道上當是从東省从東省內言不出於闔之意與○箋曰段說从東非是其引內言不出於闔九爲迂謬半蓋象屋上之形

**囿**

廩之囿者从禾在口中囿謂之囿方謂之京

所倫切

注曰囿謂之囿見詩魏風傳考工記注吳語韋注急就篇顏注管子曰新成囿京

𠩺

養畜之閑也从口卷聲

梁篆切

注曰閑闌也牛部曰牢閑養牛馬圈也是牢與圈得通解公羊傳文十一年楚子發圈音義云圈說文作圈集韻類篇圈圈分出皆云養畜閑也疑說文本作圈後人改之○箋曰閑或是重文而後人刪之耳

囿

苑有垣也从口有聲一曰養禽獸曰囿

義字從段補于救切

籀文囿

籀文囿

注曰高注淮南云有牆曰苑無牆曰囿與許互異引申之凡分別區域曰囿常道將引洛書曰人皇始出分理九州爲九囿九囿卽毛詩之九有韓詩

之九域也域同或古或與有與囿通用周禮囿人掌囿游之獸靈臺傳曰囿所以域養禽獸也

囿

所以樹果也从口袁聲

羽元切

注曰鄒風傳曰園所以樹木也木可以包果許意苑囿必有艸木故以樹果系諸園

圃

種菜曰圃从口甫聲

博古切

注曰齊風傳曰圃菜園也

囷

就也从口大

於真切

注曰因從口大就其區域而擴充之也○箋曰因猶依也大者眾之所宗也故从口大

囷

下取物縮藏之从口从又讀若聶

女恰切



言二角三注金史二  
注曰囹謂攝取也今農人甬泥甬卽囹之俗字

囹

獄也从口令聲

郎丁切

注曰獄上當有囹圄二字卒部曰囹圄所以拘罪

人許與他書作囹圄不同錯曰囹圄也檻檻之名

囹

守之也从口吾聲

魚舉切

注曰月令鄭注囹圄所以禁守繫者若今別獄矣

蔡邕云囹圄也圄止也所以止出入皆罪人所舍

也韵會云囹說文本作囹○箋曰說文以圉爲拘

罪人故囹訓爲守此二字說解蓋後人有所竄亂

如許以圉爲獄名則當附此不應別入卒部使二

字不相連屬也

𠙴 繫也从人在口中

似曲切

固 四塞也从口古聲

古慕切

注曰四塞者無罅漏之謂凡堅牢曰固又事之已然者曰固卽故之假借字漢書掌故唐官多作掌固

𠙵 守也从口聿聲

羽非切

𠙶 故廬也从木在口中

苦悶切

𠙶 古文困

注曰廬者二畝半一家之居居必有木樹牆下以桑是也故字从口木○箋曰故廬之訓未詳其指段氏附會成說耳困疑卽古梱字口束木也大射儀曰旣拾取矢梱之是其義引由爲困迫之偁因

爲借義所專故別作𡩂耳許以𡩂爲門闕字說具木部按門闕謂之闕其下謂之限門中短木謂之闕亦謂之𡩂古文𡩂从木从止正是闕𡩂之義故廣雅曰𡩂機闕𡩂也此以𡩂爲𡩂之古文於義未安曹憲誤以𡩂本音𡩂亦治譌也

𡩂

廁也从口象豕在口中也會意

胡困切

注曰少儀君子不食圀腴鄒云周禮圀作豢按許說本非一字豢以人之養養而言圀以牢中溷濁而言少儀圀腴不煩改字謂豕廁爲圀因謂豕犬爲圀耳引巾之義人廁或曰圀俗作溷或曰清俗作圀或曰軒皆見釋名

𠂔

譯也从口化聲

聲字依繫傳補

率鳥者繫生鳥以來之名

曰𠂔讀若譌

五禾切

𠂔

或从𠂔

又音山原本篆作𠂔今從段正

注曰譯疑當作誘一說周禮貉隸掌與獸言夷隸掌與鳥言是其事也率捕鳥畢也將欲畢之必先誘致之潘安仁曰暇而習媒翳之事徐爰曰媒者少養雉子至長狎人能招引野雉因名曰媒𠂔𠂔本二字一化聲一𠂔聲其義則同徐爰注射雉賦云媒江淮閒謂之游唐呂溫有由鹿賦游與由皆卽𠂔也徐鉉音誤○箋曰許以𠂔爲或體則音義並同从𠂔不必爲聲也後人因𠂔有由音故又讀爲由耳

文二十六 重四

貝物數也从貝口聲凡貝之屬皆从貝

徐鍇曰古以貝爲貨故數

之玉

權切 籀文从鼎

注曰本爲物數引申爲人數漢百官公卿表曰吏  
員自佐史至丞相十二萬二百八十五人是也又  
假爲云字如秦誓若弗員來鄭風聊樂我員是也  
○箋曰戴氏侗曰太公始鑄金爲貝以作貨故从  
口从貝今謂之錢灝按古鼎字从貞貞从貝故凡  
从貝之字亦或从鼎如籀文鼎剗是也

物數紛貳亂也从貝云聲讀若春秋傳曰宋皇鄭

羽文切

注曰貳今字作紕紛貳謂多多則亂也○箋曰文選四子講德論紛紕天地注紛紕眾多之貌文賦紛紕揮霍注紛紕亂貌朱皇郎見左氏襄九年傳

## 文二 重一

貝海介蟲也居陸名𧈧在水名蜎象形古者貨貝而寶龜周而有泉至秦廢貝行錢凡貝之屬皆从貝

博蓋切

注曰貝居陸賸在水者蜎見釋魚𧈧作賸俗字也蜎亦當作函淺人加之偏旁耳虫部蜎毛蟲也非貝名食貨志王莽貝貨五品大貝壯貝么貝小貝皆二枚爲一朋龜貨四品元龜當大貝十朋公龜

當壯貝十朋侯龜當幺貝十朋子龜當小貝十朋  
此自莽法鄭箋詩云古者五貝爲朋注易以爾雅  
之十龜未嘗用歆莽說也○箋曰二貝爲朋自是  
古義說詳鳥部鳳下本部朋下阮氏鐘鼎款識周  
父己鬲鼎椒卣並作𠂔乃古象形文小篆由古文  
變漢書食貨志曰太公爲周立九府圉法秦兼天  
下幣爲二等黃金曰溢爲名上幣銅錢質如周錢  
文曰半兩重如其文而珠玉龜貝銀錫之屬爲器  
飾寶臧不爲幣此周始有泉及秦廢貝之說也王  
莽時復作貝貨五品然實未嘗施行

貨貝聲也从小貝

酥果切

注曰穀小貝則多聲故其字从小貝引申爲細碎之備今俗瑣屑字當用此

賄財也从貝有聲

呼罪切

注曰周禮注金玉曰貨布帛曰賄析言之許渾言之貨賄皆釋曰財古假悔字爲之聘禮注古文賄皆作悔○箋曰貨賄無析言之異周禮金玉布帛皆以貨賄統之

財人所寶也从貝才聲

昨哉切

注曰周禮注財泉穀也○箋曰六書故曰財之爲言才也凡粟米絲麻才木可用者曰才

貨財也从貝化聲

昨臥切



注曰廣韵引蔡氏化清經曰貨者化也變化反易之物故字从化

**贖資也从貝爲聲**

原本下有或曰此古貨字讀若貴九字注今依繫傳刪詭僞切

注曰篇韵皆云賭也許無賭字或曰以下錯本無但云臣錯按字書云古貨字按貨古作贖猶訛譌通用耳○箋曰鼎臣本有或曰此古貨字卽因楚金說而云蓋本作注誤入正文讀若貴亦誤贖卽貨之或體後人分而爲二此與下文貸貢賒貫皆二篆連屬其改竄之迹顯然也

**貲貨也从貝次聲**

卽夷切

注曰資者人之所藉也周禮注資取也

賁持遺也从貝齊聲

祖難切

注曰周禮外府其其財用之幣齋注齋行道之財用也聘禮曰問幾月之齋鄭司農云齋或爲資今禮家定齋作資元謂齋資同耳此鄭君不用許書說近人則訓齋爲持矣○箋曰俗書作賁

賁施也从貝代聲

他代切

賁从人求物也从貝弋聲

他得切

注曰求人施人古無賁貸之分如求人曰乞給人  
之求亦曰乞今分去訖去旣二音又如假借二字  
皆爲求者子者之通名也古多假賁爲差忒字

賁遺也从貝各聲

洛故切

注曰貨賂皆謂物其用之則有公私裒正之不同  
各古有洛音鉉云當从路省聲非也○箋曰路亦  
各聲

**賸物相增加也从貝朕聲一曰送也副也**

以證切

注曰以物相益曰賸字之本義也今義訓爲贅疣  
與古義小異而實古義之引申也改其字作剩而  
形異矣人部曰併送也賸訓送則與併音義皆同  
副貳也貳副益也訓送訓副皆與增加義近

**贈玩好相送也从貝曾聲**

昨鄧切

注曰秦風渭陽大雅韓奕皆云何以贈之毛傳鄭  
箋皆云贈送也崧高云以贈申伯傳云贈增也增

與送義異而同猶賸之訓增亦訓送也

𧾷迌也从貝皮聲

彼義切

注曰迌遷徙也展轉寫之曰迌書展轉子人曰迌

子賕迌疊韵

贛賜也从貝贛省聲

古送切

𧾷贛籀文贛

注曰釋詁曰贛賜也據釋文本作贛後人改爲貢

耳

賚賜也从貝來聲周書曰賚尔秬鬯

洛帶切

注曰釋詁曰賚賜也又曰賚予也大雅傳云釐賜也釐者賚之假借也徐仙民音來周書文侯之命

文

賞賜有功也从貝尙聲

書兩切

注曰錯曰賞之言尙也尙其功也

賜予也从貝易聲

斯義切

注曰釋詁賚貢錫畀予況賜也凡經傳云錫者賜之假借也公羊傳曰錫者何賜也賜者與之通稱禹貢納錫大龜乃下與上之詞

重次弟物也从貝也聲

从鼓切

注曰漢書注引作物之重次弟也重次弟者既次弟之又因而重之也漢武帝詔曰受爵賞而欲移賣者無所流貶應劭訓貶爲移按賣爵者展轉與人重次弟之意也

豈賈有餘利也

原作有餘賈利也今從段正

从貝𩚑聲

以成切

注曰依韵會本訂俗語謂𩚑爲輸之對按惟𩚑字可云𩚑聲𩚑當从貝𩚑𩚑者多肉之獸故以會意女部𩚑當云𩚑省聲今本多誤○箋曰許於𩚑篆音義竝闕段以其在肉部而𩚑有餘義故云爾此率臆之說也餘見肉部

賴𩚑也从貝刺聲

洛帶切

注曰高帝紀曰始大人常以臣亡賴應曰賴者恃也晉曰許慎云賴利也無利入於家也或曰江淮之間謂小兒多詐狡獪爲亡賴按今人言無賴者謂其無衣食致然耳○箋曰孟子曰富歲子弟多

賴謂有所恃賴也

負恃也从人守貝有所恃也一曰受貸不償

繫傳無一日以

下六字  
房九切

注曰左傳曰昔秦人負恃其眾貪於土地遂我諸戎从人守貝會意○箋曰負之古音古義皆爲背釋名曰負背也置項背也鄭注喪服記曰負在背上者也他如負劔負版負薪負繩之類皆以在背而言因之爲自負故訓爲恃又爲背人之僞卽受貸不償之謂也凡戰敗必背走故又爲勝負之僞从人从貝會意兼用爲聲負之聲轉如阜亦猶不轉爲否治轉爲哀也

貳

積也从貝亡聲

直呂切

注曰此與亡音義皆同今專用貯矣周禮注作者

俗字也

貳副益也从貝式聲式古文二

而至切

注曰當云副也益也周禮注曰副貳也說詳刀部

○箋曰周禮大司寇曰大史內史司會及六官皆

受其貳而藏之灋按貳之者所以廣儲藏備匱乏

左氏哀六年傳曰器二不匱是也因之公卿亦以

貳備昭三十二年傳史墨曰物生有兩有三有五

有陪貳王有公諸侯有卿皆有貳也貳有增益義

故曰副益不必分言之也又有差分義故引申爲



疑貳之詞

賓所敬也从貝宀聲

必鄰切

賓古文

注曰賓謂所敬之人因之敬其人亦曰賓又君爲主臣爲賓故老子曰樸雖小天下莫能臣也侯王若能守之萬物將自賓司馬相如引詩率土之賓莫非王臣○箋曰戴氏侗曰賓者以禮幣來賓也賓而進之爲賓相去聲天子九賓宗伯爲上賓尚夫爲下賓

賁賁買也从貝余聲

式車切

注曰賁買者在彼爲賁在我則爲賁也周禮泉府凡賁者祭祀無過旬日喪紀無過三月鄭司農云

賒貰也

賒貸也从貝世聲

神夜切

注曰泉府以凡賒者與凡民之貸者竝言然則賒與貸有別賒貰也若今人云賒是也貸借也若今人云借是也其事相類故許渾言之賒貰皆舒緩之詞○箋曰賒貰實一字因聲轉岐而爲二與買賣羅羅貸貰之類皆同例

贅以物質錢从敖貝敖者猶放貝當復取之也

之芮切

注曰若今之抵押也漢嚴助傳賣爵贅子以接衣食如淳曰淮南俗賣子與人作奴婢名爲贅子三年不能贖遂爲奴婢○箋曰贅者以物爲質因之

爲贅子引申爲贅壻又爲贅疣及凡附贅之偁類篇云古作𦵿戴仲達謂贅爲贅之譌是也贅从貝𦵿聲隸書𦵿與𦵿相似而誤耳

質

以物相贅从貝所聲

原作从所闕無聲字今從繫傳之日切

注曰質贅雙聲以物相贅如春秋交質子是也○箋曰繫傳曰質實也事疑虛以人物實之也戴氏侗曰貸賒以物質當也質必有物故爲質實之義質疑質獄皆實之也故爲文質之義又因之爲樵質之質別作鑽所質爲質陟利切傳曰周鄭交質王子狐爲質於鄭鄭公子忽爲質於周

賈易財也从貝𦵿聲

莫侯切

注曰衛風抱布買絲○箋曰繫傳曰買猶亂也交

互之義瀕按賈亂當是替之假借非賈之引申也

**賸賈也从貝賣聲**

殊六切

注曰堯典金作賸刑

**費敬財用也从貝弗聲**

房未切

注曰論語曰君子惠而不費○箋曰魯有費邑今

有費氏俗異其音實輕重唇之別耳

**責求也从貝束聲**

側革切  
隸作責

注曰周禮小宰聽稱責以傳別稱責卽今之舉債

古無債字引申爲誅責責任○箋曰責債聲相轉

實一字耳

賈市也从貝而聲一曰坐賣也

賈下原本有售字今刪公戶切

注曰篆下賈字複舉之未刪者市買賣所之也因之凡買凡賣皆曰市買者凡買賣之偁也漢石經論語曰求善價而賈諸今作沽假借字也引申之凡賣者之所得買者之所出皆曰賈俗別其字作價別其音入禡韵古無是也一曰六字淺人妄增司市注通物曰商居賣物曰賈居賣物謂居積物亦兼賣之也居非謂坐此以坐與下行相對又贅以說文所無之售字殊無文理○箋曰段釋居賣物爲居積非是一切經音義六引說文商行賣也賈坐賣也則售字乃淺人妄增耳賈俗字又作估

元應云字書所無唯爾雅釋言注中商賈作此字  
按今用估爲覈物價之僞賈之聲轉爲價猶故之  
爲假也

賈行賈也从貝商省聲

式陽切

注曰白虎通曰通物曰商居賣曰賈渾言之則商  
賈可互僞

賈賤賣貴者从貝反聲

方願切

注曰司市曰夕市夕時而市販夫販婦爲主鄭云  
販夫販婦朝資夕賣按資猶取也

賈市也从网貝孟子曰登壘斷而网市利

莫盤切

注曰登壘斷而网市利見公孫丑篇以證从网貝

之意壘孟子作龍丁公著讀爲隆陸善經乃讀爲  
壘謂岡壘斷而高者趙注釋爲堞斷而高者也堞  
塵塵也高誘云楚人謂塵爲堞趙本蓋作龍斷龍  
塵雜之見露塵不到地勢略高之處也古書龍  
二字多相亂許書亦當作龍斷淺人以陸善經說  
改爲壘耳○箋曰段謂孟子說文皆當作龍斷殊  
謬趙邢卿釋爲堞斷已非若龍斷更不成語矣

賢物不賤也从貝與聲與古文賁

繫傳無下四字居問切

注曰賁篆各本廌部末則上非舊次也今更正

賤賈少也从貝戔聲

才練切

注曰賈今之價字

賕斂也从貝武聲

方遇切

注曰周禮大宰以九賦斂財賄斂之曰賦班之亦曰賦經傳中凡言以物班布與人曰賦○箋曰大雅蒸民篇明命使賦毛傳賦布也因之數陳其事謂之賦故詩有賦比興左思三都賦序曰古人儻不歌而頌謂之賦又引申爲凡賦誦之傳凡數布之義

貪欲物也从貝今聲

他含切

注曰心部怵女部婪皆訓貪

貲損也从貝乏聲

本作从乏今依

注曰杜林作𧰨○箋曰卑見巢部上林賦適足以



粵君自損也晉灼曰粵古貶字韻按此假粵爲貶

耳貶蓋謂損其物價引申爲凡貶退之僞

資財分少也从貝从分分亦聲

符巾切

𠂔古文从分

分

注曰謂財分而少也合則見多分則見少富備也厚也則貧者不備不厚之謂

債庸也从貝任聲

尼禁切

注曰庸者今之傭字廣韵曰傭賃也凡傭僦皆曰

傭曰賃

賕以財物枉法相謝也从貝求聲一曰載質也

載原本作

戴今從陵正巨雷切

注曰法當有罪而以財求免是曰賂受之者亦曰賂呂荆五過之疵惟來馬本作惟求云有請賂也  
一曰載質各本作戴今依韵會正謂載質而往求人僦貸也

購以財有所求也从貝犇聲

古候切

注曰縣重價以求得其物也漢律能捕豺獬購錢

百

𧰨財卜問爲𧰨从貝疋聲讀若所

疏舉切

注曰卜問廣韵作問卜史記日者傳卜而有不審不見奪糲按糲當作𧰨同音假借𧰨所以讎卜者也祭神米曰糲○箋曰問卜者以米祭神因貽卜

者卽詩所謂握粟出卜也或貽之以貝故又別作  
貲段以精爲貲之假借非是

貲小罰以財自贖也从貝此聲漢律民不繇貲錢二

十三

原本三作二今從段正卽夷切

注曰貲字本義如是引申爲凡財貨之僞繇徭古  
今字漢儀注曰人年十五至五十六出賦錢人百  
二十爲一筭又七歲至十四出口錢人二十以供  
天子至武帝時又口加三錢以補車騎馬見昭帝  
紀光武紀二注及漢舊儀

實南蠻賦也从貝宗聲

徂紅切

注曰後漢書南蠻傳秦昭王使白起伐楚略取蠻

夷始置黔中郡漢興改爲武陵歲令大人輸布一

匹小口二丈是謂寶布

**賈**

**衙也**衙原本作衙今從段正

**从貝奇聲奇古文睦讀若奇**

余

切隸省作賈

注曰衙行且賈也賈字不見經傳周禮胥師飾行

債慝賈師貴債者卽此賈字而說文人部債見也

則今之覲字也○箋曰古文睦本作𠂔小篆變體

與囧相溷然不可改矣隸字賈與賣亦相溷故古

通作鬻亦作粥

**𧮟**

**頸飾也从二貝**

烏莖切

注曰駢貝爲飾也○箋曰貝鐘鼎文作𧮟小篆變

爲貝重之爲貝貝之古文亦作𠄎重之爲𠄎隸變作朋遂截然爲二字音義各殊不知其異派同源也人部𠄎輔也讀若陪位漢書王尊傳羣盜𠄎宗等蘇林曰𠄎音朋晉灼曰音倍蓋朋由貝變故𠄎有倍音朋之聲轉爲陪其清聲如崩故左氏僖九年傳齊隰朋史記齊世家徐廣注朋或作崩又易復卦朋來漢五行志下引京房易傳作崩來因之又聲轉爲嬰也凡从𠄎之字有相比對義如𠄎爲相應𠄎之聲嬰爲一儋兩嬰是也

文五十九 重三

𠄎賜也从貝兄聲

許訪切

鈕曰釋詁貺賜也釋文貺或作況聘義北面拜貺  
釋文作拜況注云本亦作貺又漢書本紀及禮樂  
志中竝作況

贈贈次者从貝从冒冒者衣衾覆冒之意

撫鳳切

鈕曰春秋隱元年天王使宰咺來歸惠公仲子之  
貺左傳正義引服虔云貺覆被也疑古只作冒雜  
記云冒者何也所以揜形也與覆被義合○箋曰  
賻貺疑本一字賻古通作傳說見後因覆被之義  
又別作賻从冒也戴氏侗分別貨賂曰賻車馬曰  
賻非是

賻賻博塞也从貝者聲

當古切

鈕曰文選韋曜博奕論賭及衣物徒棊易行李注  
引埤蒼賭賭也一切經音義卷十五引通俗文錢  
戲曰賭

**貼**以物爲質也从貝占聲

他叶切

鈕曰貼通作帖公羊傳四年傳卒帖荆何注帖服  
也釋文帖一本作貼

**貽**贈遺也从貝台聲經典通用詒

與之切

鈕曰貽通作詒釋言貽遺也玉篇貽元貝也詩思  
文貽我來牟釋文貽字又作詒同漢碑已有貽其  
从貝者當由釋魚貽貝釋文貽又作貽古當通作  
胎○箋曰貽本貝名則从貝非俗字許蓋偶遺之

贖重買也錯也从貝廉聲

佇陷切

鈕曰贖疑斂之俗字○箋曰灝謂此後出字義不必求合於古也俗又省作賺

贖報也从貝塞省聲

先代切

鈕曰急就篇謁謁賽禱鬼神寵顏注賽報福也王補注云碑本賽作塞引周禮都宗人注祭謂報塞韓子秦襄王病愈殺生塞禱郊祀志冬塞禱祠注塞謂報其所祈也樹玉按管子墨子中亦作塞○箋曰塞實也戴氏侗曰引申之則諾許而實其言曰塞是也蓋有所祈禱許以牲禮爲報自實其言故謂之塞也聲轉爲先代切



贈助也从貝專聲

符遇切

鈕曰周禮小行人職若國扎喪令賻補之鄭注故書賻作傳

贍給也从貝詹聲

時鑿切

鈕曰荀子王制篇物不能澹則必爭楊注澹讀爲贍又漢書食貨志及司馬遷趙充國傳中竝作澹隸釋載漢碑已有贍

文九

新附

邑國也从口先王之制尊卑有大小从卩凡邑之屬

皆从邑

於汲切

注曰左傳凡偁人曰大國自偁曰敝邑古國邑通

僂白虎通曰夏曰夏邑商曰商邑周曰京師尙書  
曰西邑夏曰天邑商曰作新大邑於東國洛是也  
周禮四井爲邑左傳凡邑有宗廟先君之主曰都  
無曰邑此又在一國中分析言之○箋曰門部曰  
口象國邑下部曰守邦者用玉下故从口从下

**邦國也从邑丰聲**

博江切

**止田古文**

注曰古者城郭所在曰國曰邑而不曰邦邦之言  
封也古邦封通用書序曰邦康叔邦諸侯論語云  
在邦域之中皆封字也古文當从之田之適也所  
謂往卽乃封古文封字亦从之土

**郡** 周制天子地方千里分爲百縣縣有四郡故春秋

傳曰上大夫受縣下大夫受郡是也

原奪受縣下大夫五字今

從段補至秦初置三十六郡以監其縣从邑君聲運

切

注曰逸周書作雒篇千里百縣縣有四郡高誘注  
呂覽季夏紀云周制天子畿內方千里分爲百縣  
縣有四郡郡有監故春秋傳曰上大夫受縣下大  
夫受郡周時縣大郡小秦始皇兼天下初置三十  
六郡以監縣耳按作雒篇與周禮不合故鄭注月  
令但云四監主山林川澤之官百縣鄉塗之屬是  
不從作雒說也趙簡子曰克敵者上大夫受縣下  
大夫受郡見左傳哀公二年戰國策甘茂曰宜陽

大縣也名爲縣其實郡也秦武王時已郡大縣小矣前此惠文王十年魏納上郡十五縣後十三年攻楚漢中取地六百里置漢中郡吳氏師道云或者山東諸侯先變古縣大郡小之制而秦效之是也又按釋詁曰郡乃也此未得其說疑郡之誤

**鄠**有先君之舊宗廟曰都从邑者聲周禮距國五百

里爲都

當孤切

注曰左傳曰凡邑有先君宗廟之主曰都無曰邑周禮太宰八則鄭注都鄠公卿大夫之采邑王子弟所食邑又載師注引司馬法曰王國百里爲郊五百里爲都○箋曰都本都鄠之偁穀梁僖十六

年傳民所聚曰都廣雅曰十鄉爲都是也因之凡聚會之地皆曰都其後乃爲大都小邑之稱又爲凡都總之稱戴氏侗曰都邑之人容服閒雅故詩云彼都人士又曰洵美且都也又爲歎美之辭

**鄰** 五家爲鄰从邑鄰聲

力珍切

注曰五家爲鄰見遂人職引申爲凡親密之稱

**鄼** 百家爲鄼鄼聚也从邑贊聲南陽有鄼縣

作管切又作旦

切

注曰遂人五家爲鄰五鄰爲里四里爲鄼漢地理志南陽郡鄼侯國孟康曰音讚按南陽縣作鄼沛郡縣作鄼許二字畫然不相亂也蕭何始封之鄼

茂陵書文穎臣瓚顏師古杜佑皆云在南陽江統  
戴規姚察李吉甫今錢氏大昕皆云在沛在沛說  
是也始封於鄜高后乃封之南陽之鄼與筑陽文  
帝至莽之鄼侯皆在南陽故地理志於南陽云鄼  
侯國而沛郡鄼下不云侯國爲在沛者不久也諸  
家所傳班固泗水亭長碑云文昌四友漢有蕭何  
序功弟一受封于鄼以韻求之可以不惑○箋曰  
蕭何沛人所封之地自以在沛郡者爲近何初封  
於鄼何薨高后封其夫人同爲鄼侯小子延爲筑  
陽侯孝文元年罷同更封延爲鄼侯今本漢書爲  
後人妄改地理志沛郡之鄼亦改作鄼而讀如嗟

則未改也

鄩

五鄩爲鄩从邑𠂔聲

兵美切

注曰五鄩爲鄩見遂人五百家也春秋經傳鄩字多訓爲邊蓋周禮都鄩距國五百里在王畿之邊故鄩可訓爲邊又引申爲輕薄之俦而鄩夫字古作𠂔𠂔目云俗儒𠂔夫翫其所習可證也今則鄩行而𠂔廢矣。箋曰今官文書都鄩字作𠂔正是古習相傳之正字而俗吏誤讀爲圖以爲圖之省體也

郊

距國百里爲郊从邑𠂔聲

古肴切

注曰杜子春注周禮曰五十里爲近郊百里爲遠

郊

𡩺 屬國舍从邑氏聲

都禮切

注曰文帝紀曰入代邸顏注曰郡國朝宿之舍在京師者率名邸邸至也言所歸至也按今俗謂旅舍爲邸經典假邸爲柅如典瑞四圭有邸是也

𡩺 郭也从邑孚聲

甫無切

注曰公羊傳入其郭何注郭恢郭也城外大郭也

𡩺 境上行書舍从邑垂垂邊也

羽求切

注曰孟子德之流行速於置郵而傳命釋言郵過也按經過與過失古不分平去故經過曰郵過失亦曰郵爲九訖之假借字坐邊也說从坐之意在



境上故从坐

**國甸大夫稍稍所食邑从邑尙聲**周禮曰任甸地  
**在天子三百里之內**所教切

注曰載師注故書稍稍或作削按削當是削之誤許  
所據正故書或本也太宰家削之賦當作家郇釋  
文曰家削本又作削是也國甸之下疑有奪文太  
宰曰三曰邦甸之賦四曰家郇之賦此云國甸卽  
經之邦甸也邦甸去國二百里家郇三百里此當  
云國甸之外曰家削鄭曰家邑大夫之采地也

**善西胡國也从邑从善善亦聲**時戰切

注曰詩書三言西胡皆謂西域也漢西域傳云鄯

善國本名樓蘭王治扞泥城元鳳四年傳介子誅其王更名其國爲鄯善爲刻印章是則此時初製鄯字漢鄯善國城在今哈密衛東南中國山川維首在隴蜀紀地者必始於西故起西域而雍州

**窮夏后時諸侯夷羿國也从邑窮省聲**

渠弓切

注曰左傳曰有窮后羿昔有夏方衰后羿自鉏遷於窮石因夏民以代夏政窮石杜不言其地所在地理志說文皆云弱水出張掖山丹山海經離騷淮南子云弱水出窮石則當在山丹漢山丹今爲甘肅甘州府山丹縣

**契周封黃帝之後於鄒也从邑契聲讀若薊上谷有**

鄆縣

古諸切

注曰樂記武王克商封黃帝之後於蓊鄆蓊古今  
字陸德明曰蓊今涿郡蓊縣是也卽燕國之都也  
地理志廣陽國蓊燕召公所封然則班意謂封黃  
帝之後卽召公也而周本紀以封堯後於蓊與封  
召公奭於燕並言張守節疑蓊爲燕所并未知其  
審郡國志世祖省廣陽郡并上谷永平八年復許  
云上谷有鄆縣依允武省并而言也今京師順天  
府附郭大興縣治卽古燕都

邑

炎帝之後姜姓所封周棄外家國从邑台聲右扶

風釐縣是也詩曰有郇家室

土來切

注曰大雅有邵家室毛傳曰邵姜嫄之國也堯見  
天因邵而生后稷故國后稷於邵是則邵本后稷  
外家之國名炎帝之後姜姓所封也國后稷於邵  
時蓋國姜姓於他處矣右扶風郿縣見地理志周  
人作邵漢人作釐古今語小異今陝西乾州武功  
縣西南二十二里故釐城是也有邵家室今生民  
詩有卽字考高誘注呂覽辨土引實穎實栗有邵  
家室亦無卽。箋曰許以邵爲姜嫄所封故云炎  
帝之後姜姓所封周棄外家國段謂國后稷於邵  
時蓋國姜姓於他處誤也

鄆周文王所封在右扶風美陽中水鄉从邑支聲

支

切岐詩之解言曰岐郊或从山支聲因岐山以名之也音古

文郊从枝从山

注曰經典有岐無郊地理志曰右扶風美陽禹貢岐山在西北中水鄉周太王所邑魯頌箋云太王自豳徙居岐山之陽此云文王所封要其終而言文王自郊遷鄠下文云鄠周文王所都則此當云太王矣戴先生云美陽今爲陝西鳳翔府岐山扶風二縣按許謂岐卽郊邑之或體又云因岐山以名之考薛綜注西京賦引說文岐山在長安西美陽縣界山有兩岐因以名焉此說文山部原文也山有兩岐當作山有兩枝山有兩枝故名曰岐山

疑後人移入於此而刪改之。箋曰許以岐爲邽之或體者因邽邑字多作岐也而邽邑之名則實因岐山而起邽乃後造之字薛綜所引說文卽振舉此條段以爲山部原文非也

𡵓

周太王國在右扶風美陽从邑分聲

補巾切

𡵓美

陽亭卽𡵓也民俗以夜市有𡵓山从山从豕闕

注曰此二篆說解可疑𡵓者公劉之國非太王國

漢地理志郡國志毛詩箋皆云𡵓在右扶風栒邑不在美陽且从山豕聲不當云闕又不言𡵓或邠字皆非也許氏原書當是𡵓岐本在山部而後人移之耳經典多作𡵓惟孟子作邠。箋曰此蓋後

人有所改竄非移易也

韻右扶風縣从邑睂聲

武悲切

注曰右扶風郿縣前後二志同今鳳翔府郿縣東

北十五里渭水之北有故郿城

韻右扶風郁夷也从邑有聲

於六切

注曰郁夷見地理志班引詩周道郁夷師古曰毛

詩周道倭遲韓詩作郁夷字言使臣乘馬行於此

道按古假借爲餓字如論語郁乎文哉是也今

鳳翔府隴州西五十里有故郁夷城

韻右扶風縣名从邑雩聲

胡古切

注曰右扶風郿縣二志同今西安府郿縣北二里

有故鄠城卽古扈國也。○箋曰鄠當是扈之或體

扈夏后同姓所封戰於甘者在鄠有扈谷甘亭从邑

戶聲

胡古切

古文扈从山乃

注曰尙書序曰啟與有扈戰於甘之野作甘誓按  
鄠卽扈如蔡卽郇薊卽鄆皆古今字也有扈谷甘  
亭五字有脫誤當作有戶谷戶亭甘亭七字今漢  
書鄠下云古國有扈谷亭語不完當依元和郡縣  
志所引云古扈國有戶谷戶亭又有甘亭又按左  
傳扈民無淫扈止也離騷扈江離與辟芷王云楚  
人名被爲扈古文未詳其右所從錯曰從辰巳之  
已竊謂當從戶而轉寫失之。○箋曰元和郡縣志



所引亦恐有誤許蓋謂扈谷亭甘亭耳

**鄒**右扶風鄒鄉从邑崩聲沛城父有鄒鄉讀若陪

切

注曰謂右扶風鄒縣有鄒鄉也漢鄒成侯周繇服  
虔音管崩之崩蘇林音簿催反小顏小司馬皆云  
字從崩從邑功臣表鄒成在長沙師古曰鄒音陪  
又音管何反張守節引與地志云鄒成縣故陳倉  
縣之故鄉聚名也楚漢春秋作憑城周繇所封與  
漢表說文皆乖異而穆天子傳天子西征至于鄒  
又未詳其地沛郡城父見地理志今安徽潁州府  
亳州東南七十里有故城父城是也史記索隱引

三蒼云酈鄉在城父音裴。箋曰酈讀若陪說見貝部顚下

酈右扶風酈鄉从邑且聲

子余切

酈右扶風酈縣酈屋鄉从邑赤聲

呼各切

注曰謂右扶風之酈縣酈屋縣皆有酈鄉也前志右扶風酈屋按今西安府酈屋縣

酈周文王所都在京兆杜陵西南从邑豐聲

敷戎切

注曰詩書皆作豐左傳酈文之昭也字从邑前後二志亦作酈大雅曰旣伐于崇作邑于豐杜預曰酈在酈縣後志曰酈在京兆杜陵西南按今西安府東南十五里有故杜陵城

京兆縣周厲王子友所封从邑奠聲宗周之滅鄭

徙澮洧之上今新鄭是也

直正切

注曰前志京兆尹鄭縣周宣王弟鄭桓公邑今陝西同州府華州城北有故鄭城是也桓公友之子武公與平王東遷食溱洧焉從其故名曰鄭至漢爲河南郡新鄭縣今開封府新鄭縣西有故鄭城

郃

左馮翊郃陽縣从邑合聲詩曰在郃之陽

候閑切

注曰左馮翊郃陽縣二志同應劭曰在郃水之陽也今同州府郃陽縣卽其地詩大雅文今詩郃作洽水經佳引亦作郃按魏世家文侯時西故秦築雒陰合陽字作合蓋合者水名毛詩本作在合之

陽故許引以說會意秦漢閒乃製郃字今詩作洽者後人意加水旁許引詩作郃者後人所改○箋曰洽水字當從毛詩爲正史記作合容有譌謬段偏以合爲是而謂今詩爲後人意加水旁且謂許引詩亦作合而今本爲後人所改眞見異思遷而不顧其安者矣至郃字則立縣時所製而从洽省水爲聲亦非會意字也

𠂔  
京兆藍田鄉从邑口聲

苦后切

注曰京兆尹藍田縣二志同今西安府藍田縣西十一里有藍田故城𠂔者鄉名今人𠂔擊字从𠂔不當作𠂔○箋曰鈕云口部無𠂔

濟京兆杜陵鄉从邑樊聲

附袁切

注曰樊鄉見史漢樊噲傳宋敏求長安志曰樊川在萬年縣南三十五里引十道志云其地卽杜陵之樊鄉按在今西安府南三十里之樊川周語樊仲山甫之樊非此地按周襄王賜晉文公陽樊之田陽樊一名樊一名陽方輿紀要云或曰在今河南懷慶府濟源縣

鄠左馮翊縣从邑庶聲

甫無切隸省作鄠

注曰左馮翊鄠縣見地理志封禪書秦文公作鄠時今陝西鄠州洛川縣東南七十里有鄠城廢縣按庶聲當在蕭部而孟康鄠音敷者凡漢志地名

皆隨其地語言爲音故也。箋曰鹿聲古音在侯部與魚部相轉疑當作鹿聲誤爲鹿耳

**郃** 左馮翊郃陽亭

郃原本作郃今從段正

**从邑屠聲**

同都切

注曰謂左馮翊郃陽有郃亭也各本作郃陽亭誤今依集韻類篇王伯厚詩地理考正大雅韓奕出宿于屠毛曰屠地名宋潘水李氏謂地在同州郃谷是也屠郃古今字讀史方輿紀要作茶谷渡云在今同州府郃陽縣東河西故城南

**左馮翊高陵亭**

亭字依段補

**从邑由聲**

徒歷切

注曰各本無亭字今依廣韻九韻及玉篇補錫韻又曰郃鄉名在高陵按左馮翊高陵二志同今西

安府高陵縣卽其地

邽左馮翊谷口鄉从邑平聲讀若寧

奴顛切

注曰左馮翊谷口縣見地理志今西安府醴泉縣

東北七十里有故谷口城廣韵奴丁切

邽隴西上邽也从邑圭聲

古桂切

注曰隴西郡上邽縣見地理志今甘肅秦州西六

十里有故上邽城又京兆有下邽○箋曰下邽今

西安府渭南縣地

邽天水狄部从邑音聲

蒲口切

注曰地理志天水無狄部未詳顧氏祖禹曰漢天

水郡今陝西鞏昌府以東秦州之境是其地按廣

韵曰部署也許畧目曰分別部居不相雜廁

豆

宏農也

縣庾地从邑豆聲

當侯切

注曰宏農郡縣同名故但言縣庾當作渡字之誤也水經注河水篇門水又北徑宏農縣故城東其水側城北流而注於河河水於此有洹津之名按洹即同字魏志杜畿傳畿遂詭道從耶津渡宋元嘉二十九年北魏將封禮自耶津南渡赴宏農拒柳元景在今河南陝州靈寶縣西十里按當侯切侯當作候○箋曰杜畿封禮從耶津渡乃常言渡水不得爲庾地誤字之證闕之

鄆

河南縣直城門官陌地也从邑辱聲春秋傳曰成



王定鼎于邲

邲而蜀切

注曰河南郡縣同名故但云縣官陌卽今云官路也漢雒陽縣周之成周河南縣周之王城也今河南府東北二十里有雒陽故城西北有河南故城城西有邲鄩陌或謂之邲山北二里曰邲山邲古字容當作夾春秋傳宣三年左傳文

邲周邑也从邑聲

力展切

注曰左傳昭二十九年王子趙車入于邲以叛杜

云邲周邑

邲周邑也从邑祭聲

側介切

注曰左傳凡蔣邲茅胙祭周公之脔也按春秋經

左傳國語史記逸周書竹書紀年凡云祭伯祭公  
謀父字皆作祭唯穆天子傳云祭父韋注國語云  
祭畿內之國周公之後也爲王卿士謀父字也

邑 河南洛陽北亾山上邑从邑亾聲

莫郎切

注曰亾山上邑亾宋本或作亾今據左傳昭二十  
二年杜注文選應休璉與從弟君苗君冑書注及  
郡國志雒陽下引皇覽定作亾蓋山本名亾山上  
之邑則作邨也北亾山在今河南府北十里山連  
偃師鞏孟津三縣綿亙四百餘里左傳云王田北  
山卽此亦卽周書所謂邾山者也○箋曰凡邑名  
多從山地名增邑此作亾山不誤蓋相承增邑又

別作𡗗耳

鄆周邑也从邑尋聲

徐林切

注曰左傳昭二十二年郊鄆潰杜注河南鞏縣西南有地名鄆中水經注洛水篇鄆水於訾城西北東入洛水京相璠云有鄆城蓋周大夫鄆肸之邑也今鞏縣西南五十八里有故鄆城

鄆周邑也在河內从邑希聲

丑脂切

注曰左傳隱十一年王與鄭人蘇忿生之田溫原絺樊杜注絺在野王縣西南按鄆者本字絺者古文假借字前志河內郡波縣孟康云有絺城按許但云河內不云某縣者有所未審也○箋曰鄆姓

或誤爲郤錢氏養新錄曰郤姓出濟陰河南二望  
左傳晉有大夫郤獻子綺戟切郤姓出高平丑儀  
切漢隸从谷旁字或變作公故郤亦作郤

鄆

河內沁水鄉从邑軍聲魯有鄆地

王岡切

注曰河內郡沁水縣二志同今河南懷慶府濟源  
縣東北有故沁水城沁水縣有鄆鄉又魯鄆地見  
左氏春秋經傳公羊作運文公十二年成公九年  
襄公十二年昭公元年之鄆杜云莒別邑在城陽  
姑幕縣此東鄆在今山東青州府諸城縣成公十  
六年之鄆杜云魯西邑在東郡廩丘此西鄆在今  
曹州府鄆城縣有鄆城故城

故商邑自河內朝歌以北是也从邑北聲

補妹切

注曰商畿內之地也邑國也商頌曰商邑翼翼河內郡朝歌縣二志同朝歌紂所都詩譜曰邶庸衛者商紂畿內方千里之地故邶城在今河南衛輝府東北

周武王子所封在河內野王是也从邑于聲又讀

若區

況于切

注曰左傳曰邲晉應韓武之穆也河內郡野王縣二志同孟康曰故邲國今邲亭是也今懷慶府西北十三里有故邲城

殷諸侯國在上黨東北从邑勗聲勗古文利商書

西伯戡黎

郎奚切

注曰今商書西伯戡黎今文尙書作者尙書大傳文王受命五年伐耆周本紀明年敗耆國是也或作隄或作飢皆假借字上黨郡名不言何縣者有未審也前志上黨壺關應劭曰黎侯國也今黎亭是今山西路安府治卽漢壺關縣府西南三十五里有黎亭

晉邑也从邑召聲

實照切

注曰左傳襄二十三年齊侯伐衛遂伐晉入孟門登大行張武軍於葵庭戊鄆邵杜曰取晉邑而守之杜不言鄆邵二邑名據許則當是二邑也文六

年賈季召公子樂於陳趙孟使殺諸鄆此單言鄆也後志河東垣縣有鄆亭注引博物記縣東九十里有鄆鄆之阨趙孟殺公子樂於鄆鄆豈張華所見左傳有異歟今山西絳州垣曲縣東有鄆城後魏之鄆郡後周之鄆州皆此也

**鄆** 晉邑也从邑冥聲春秋傳曰伐鄆三門

莫經切

注曰左傳僖二年荀息假道於虞曰冀爲不道入自顛軫伐鄆三門服虔曰謂冀伐晉也下文冀之旣病亦唯君故謂虞助晉也將欲假道偁前恩以誘之按服說是也杜云鄆虞邑非也許同服說

**鄆** 晉邢侯邑从邑畜聲

丑六切

注曰當云晉雍子邑許筆誤也左傳襄二十六年  
聲子曰雍子奔晉晉人與之郕子靈奔晉晉人與  
之邢昭十四年晉邢侯與雍子爭郕田杜曰邢侯  
巫臣之子也按巫臣卽子靈

郕晉之溫地從邑侯聲春秋傳曰爭郕田

胡遵切

注曰左傳成十一年晉郤至與周爭郕田郤至曰  
溫吾故也杜曰郕溫別邑今河內懷縣西南有侯  
人亭按郕田今在懷慶府武陟縣

郕晉邑也从邑必聲春秋傳曰晉楚戰于郕

毗必切

注曰杜曰郕鄭地按水經注濟水篇曰次東得宿  
胥水口濟水與河渾潯東注濟水於此又兼郕目



春秋宣公十三年晉楚之戰楚軍於郟卽是水也  
顧氏祖禹曰其地蓋卽熒口受河之處今在河陰

縣西

郟晉大夫叔虎邑也从邑谷聲

綺戟切

注曰叔虎之子曰郟芮以邑爲氏

郟河東聞喜鄉

鄉原本作縣今從段正

从邑非聲

薄回切

注曰河東郡聞喜二志同今山西絳州聞喜縣漢

縣地也廣韵曰葦鄉名在聞喜伯益之後封於葦

鄉因以爲氏後徙封解邑乃去邑從衣○箋曰通

鑑漢紀三十五胡注引唐氏族志與廣韵說同又

漢紀五十四引姓譜亦同灝按徙封去邑從衣乃

傳會之說此亦猶樊作鄴祭作鄒黎作習召作邵之類皆後出之字耳

鄴河東聞喜聚从邑虔聲

渠馬切

注曰丞部邑落曰聚舜所居一年成聚二年成邑

三年成都聚小於邑也

鄴河東聞喜鄉从邑匡聲

去王切

鄴河東臨汾地卽漢之所祭后土處从邑癸聲

葵唯切

注曰河東郡臨汾縣二志同今山西平陽府太平

縣南二十五里臨汾故城是也漢武帝紀元鼎四

年立后土祠於汾陰脽上師古曰以其形高起如

人尻脽故以名云一說地臨汾水之上地本名鄴

音與葵同彼鄉人呼鄭音如誰因轉而爲臚字耳

邢周公子所封地近河內懷从邑开聲

戶經切

注曰左傳凡蔣邢茅胙祭周公之肩也杜曰邢國在廣平襄國縣前志趙國襄國故邢國後志同按襄國故城在今直隸順德府城西南許不云襄國而云地近河內懷者有所審定之辭也今河南懷慶府武陟縣西南十一里有故懷城○箋曰今直隸順德府附郭邢臺縣卽漢襄國縣與河南懷慶相距甚遠許說蓋誤

邢太原縣从邑烏聲

安古切

注曰太原郡鄆縣二志同前志曰晉大夫司馬彌

牟邑按彌牟爲鄆大夫見昭二十八年左傳前此有鄆臧以邑爲氏戴先生曰今山西汾州府介休縣東三十五里有故鄆城漢縣也其北魏之鄆城在今介休縣東四十五里俗謂武城按陸氏左傳音義云字从焉作鄆誤

祁

太原縣从邑示聲

王支切

注曰太原郡祁縣二志同前志曰晉大夫賈辛邑按賈辛爲祁大夫見左傳昭二十八年此前已有祁奚祁午祁盈祁勝以邑爲氏今山西太原府祁縣東南七里有故祁城漢縣治也毛傳云祁大也祁祁舒遲也祁祁徐貌也祁祁衆多也皆與本義

不相關

新魏郡縣从呂業聲

魚怯切

注曰魏郡鄴縣二志同漢魏郡治鄴今河南彰德

府臨彰縣西二十里有故鄴城

井鄴地鄴亭从呂井聲

戶經切

注曰此云鄴地恐誤蓋京兆之鄴則篆文宜次於

鄭之後若河南之新鄴則宜次於下文鄴郡鄴之

伍此上下文皆河內地不宜忽辟以河南地名疑

卽二志常山郡之井陘縣趙地也玉篇邢子省切

廣韵子郢切大徐戶經切○箋曰戶經切讀如陘

誤

邑趙邯鄲縣从邑甘聲

胡安切

單邯鄲縣从邑單聲

都寒切

注曰趙國邯鄲縣二志同左傳有邯鄲午秦始皇

置邯鄲郡漢趙國故邯鄲郡也張晏曰邯山在東

城下單蓋也城郭從邑故加邑按今直隸廣平府

邯鄲縣西南二十里有故邯鄲城甘聲當音含

周文王子所封國

文原本作武今從繫傳正

在晉地从邑旬聲

讀若泓

相倫切

注曰左傳富辰曰郇文之郇也毛傳郇伯郇侯也

按郇國爲晉所并在二志之河東解縣今山西蒲

州府臨晉縣東北十五里有故郇城讀若泓疑當

作淵

鄆清河縣从邑俞聲

式朱切

注曰前志清河郡鄆後志清河國鄆史記河渠書

田蚡奉邑食鄆又呂嬰樂布皆封俞侯俞卽鄆今

山東臨清州夏津縣東北三十里有故鄆縣城

鄆常山縣世祖所卽位今爲高邑从邑高聲

呼各切

注曰前志日常山郡鄆後志日常山國高邑故鄆

光武更名按今直隸趙州柏鄉縣北二十里有故

鄆城春秋時晉邑左傳哀四年齊國夏伐晉取鄆

鄆鉅鹿縣从邑泉聲

辛遙切

注曰前志鉅鹿郡縣豫章鄆陽縣後志二縣字皆

作鄴非是許書此字當是淺人改之漢鉅鹿郡城  
卽今直隸順德府平鄉縣城○箋曰前志豫章鄴  
陽亦當是鄴陽之譌

𡗗

涿郡縣从邑莫聲

莫各切

注曰涿郡鄭縣見前志後志曰河間郡鄭故屬涿  
今直隸河間府任丘縣北十三里有莫州城往來  
孔道也唐開元十三年改鄭爲莫見通典舊唐書  
今俗語如冒

𡗗

北地郡到縣从邑至聲

之目切

注曰北地郡郁郅縣見前志今甘肅慶陽府北至  
甯夏衛是其境府東有郁郅城水經注謂之尉李



城聲之誤也

鄆

北方長狄國也在夏爲防風氏在殷爲汪芒氏

本作茫今從殺正

从邑交聲春秋傳曰鄆瞞侵齊

所鳩切

原

注曰文十一年左傳鄆瞞侵齊遂伐我叔孫得臣獲長狄僑如穀梁傳曰身橫九畝魯語仲尼曰昔禹致羣神於會稽山防風氏後至禹殺而戮之其骨節專車防風汪芒氏之君也爲漆姓在虞夏商爲汪芒氏在周爲長翟今爲大人按國語本作在虞夏爲防風氏在商爲汪芒氏爲說文說苑家語所本今國語誤奪數字顧氏祖禹曰鄆瞞在山東濟南府北境或云今青州府高苑縣有廢臨濟城

古狄邑卽長狄所居按許以此篆廁涿郡北地之下則許意謂在西北方非在今山東也○箋曰顧說是段以爲在西北非也此不得以篆之次弟爲斷

蘇炎帝太嶽之胤甫侯所封在潁川从邑無聲讀若

許

虛呂切

注曰炎帝神農氏之裔子爲太嶽許呂部下太嶽封於呂其裔子甫侯又封於鄒鄒許古今字前志曰潁川郡許故國姜姓四岳後大叔所封大叔左傳隱十一年正義作文叔蓋一人也史記鄭世家鄒公惡鄒於楚今春秋經傳不作鄒者或後人改

之或周時已假借許字今河南許州東三十里有

故許昌城

𡵓 潁川縣从邑亢聲

苦浪切

注曰地理志云潁川郡周承休侯國元帝置元始二年更名鄭公考後漢書黃瓊傳封祁鄉侯注引前書作元始二年更名曰祁與顏本絕異蓋志文當是祁字大書周承休侯國五字小書注於下此侯國不與他侯國同故不以縣名爲國名也方輿紀要曰承休廢縣在今汝州治子城東先武封姬常於東郡觀縣曰衛公以祁縣廢入陽城

𡵓 潁川縣从邑亢聲

於建切

注曰潁川郡偃縣二志同今河南許州偃城縣是其地

**潁川縣从邑夾聲**

工洽切

注曰潁川郡潁縣見前志故楚潁邑也左傳昭元年楚公子圍使公子黑肱城潁十九年令尹子瑕城潁秦二世元年陳勝將鄧寵將兵居潁在今河南汝州潁縣按潁鄆之潁山名非此潁

**新鄆汝南縣从邑妻聲**

七稽切

注曰新鄆見前志後志曰汝南郡宋公國周名鄆正漢改爲新鄆章帝建初四年徙宋公於此今安徽潁州府城東八里有故新鄆城

鄭姬姓之國在淮北从邑息聲今汝南新鄆

相卽切

注曰左傳隱十一年鄭息有違言杜曰鄆國汝南新息縣按左傳用古文假借字杜解用說文本字左傳云息媯者謂息所娶之陳媯也今河南光州息縣淮水在縣南五里故息城在縣北三十里

汝南召陵里

召原本作邵今從段正

从邑自聲讀若奚

胡雞切

注曰汝南郡召陵縣二志同左傳僖四年楚屈完來盟于師盟于召陵今河南許州鄆城縣東四十里有故召陵城卽者召陵里名召陵又有萬歲里許君萬歲里人也

汝南鮦陽亭从邑旁聲

步光切

注曰汝南郡鮑陽縣二志同鮑孟康音紂此方言如是或云當作紂紅反者非也今河南汝甯府新蔡縣北有鮑陽故城又有鮑陽渠鮑者水名水經注葛陂東出爲鮑水俗謂之三丈陂是也郟者鮑陽亭名疑卽左傳襄四年定四年之繁陽也

郟

蔡邑也从邑具聲春秋傳曰郟陽封人之女奔之

古閑切

注曰地理志汝南郡有上蔡新蔡二縣沛郡有下蔡縣上蔡故蔡國周武王弟叔度所封十八世平侯徙新蔡後二世吳王夫差遷昭侯於下蔡後四世侯齊爲楚所滅按上蔡新蔡下蔡漢時用以名

縣非周時有此名也上蔡新蔡同在汝南今皆屬汝甯府相距不遠若下蔡則距上蔡新蔡遠矣昭十九年左傳云楚子之在蔡也鄖陽封人之女奔

鄧

曼姓之國今屬南陽从邑登聲

徒互切

注曰南陽郡鄧縣二志同前志曰鄧縣故國按左傳楚武王夫人曰鄧曼則知鄧國曼姓今河南南陽府鄧州是其地

鄧

國地也从邑曼聲春秋傳曰鄧南鄙鄧人攻之

於求切

注曰左傳桓九年楚子使道朔將巴客以聘於鄧

鄧南鄙鄧人攻而奪之幣杜曰鄧在今鄧縣南沔

水之北後志曰鄧有鄧聚水經注曰清水又南徑

鄧塞東又徑鄧城東古鄧子國也蓋鄧之南鄙也

𡵓南陽清陽鄉从邑𡵓聲

平刀切

注曰南陽郡育陽縣二志同今南陽府東育陽故

城是也鄧者漢時鄉名

𡵓南陽棘陽鄉

棘原本作東今依段正

从邑巢聲

鉏交切

注曰南陽郡棘陽二志同今南陽府新野縣東北

七十里棘陽城是也鄧其鄉名也

𡵓今南陽穰縣是

从邑襄聲

汝羊切

注曰南陽郡穰縣二志同今南陽府鄧州東南二



里穰縣故城是也本楚地後爲韓邑史記韓襄王  
十一年秦取我穰又秦武王封魏冉於此爲穰侯  
鄴者古字穰者漢字如鄴鄴鄴許鄴息邵釐之例  
蓋許所見古籍作鄴漢時縣名字从禾也○箋曰  
灝謂此等皆古字假借後乃从邑別製一字耳鄴  
鄴等字古籍不少概見未必許所見獨異也

鄴

南陽穰鄉从邑婁聲

力朱切

注曰穰縣鄉名也

鄴

南陽陰鄉从邑萬聲

古達切此篆原次  
鄴後今從段移正

注曰南陽郡陰縣二志同師古曰左傳所云遷陰  
於下陰者也鄴其鄉名舊在鄴後今依玉篇廁此

郢南陽西鄂亭从邑里聲

良止切

注曰南陽郡西鄂縣二志同今南陽府北五十里

故西鄂城是也郢者漢時亭名

郢南陽舞陰亭从邑羽聲

王桀切

注曰南陽郡舞陰縣二志同水經曰撫水出撫陰

縣西北扶予山漢時縣字作舞陰水經注作撫者

依水改字也郢者漢時亭名庾信賦曰柵陽亭有

離別之賦漢藝文志之別柵陽賦也柵陽亭豈卽

郢亭歟

郢故楚都在南郡江陵北十里从邑呈聲

以整切

郢

郢或省

注曰南郡江陵縣二志同今湖北荊州府治江陵縣東北三里有故郢城楚自熊繹居丹陽今湖北宜昌府歸州東七里丹陽城是至文王熊貲始都郢又有別邑曰郊郢左傳鬬廉曰君次於郊郢杜曰郊郢楚地前志曰江陵縣故楚郢都又郢縣楚別邑是也許君於他邑不言距今縣方向里數獨此詳之者以見非漢郢縣之郢也水經注江水又東逕江陵縣故城南謂楚都也又東逕郢城南謂楚別邑也

郢

南郡縣孝惠三年改名宜城从邑焉聲

於乾切

注曰南郡宜城縣二志同前志曰宜城故郢惠帝

三年更名按今湖北襄陽府宜城縣西南九里故  
鄆城亦謂之宜城廢縣是也釋文於建反又於晚  
反又按春秋經傳鄭伯克段于鄆晉及楚鄭戰于  
鄆陵說者謂潁川郡地也前志作僞陵

𡗗

南郡縣

郡原作陽今從段正

从邑己聲

居疑切原大鄂後今移此

注曰南郡即縣二志同後志俗本謬作印水經曰

禹貢三澨沱在南郡即縣北今襄陽府宜城縣北

五十里有故郢城○箋曰承氏曰南陽當作南郡

𡗗

江夏縣从邑甞聲

莫杏切

注曰江夏郡即縣二志同地當在南陽江夏二郡

之間今河南信陽州湖北德安府應山縣之間縣

蓋以龜阨得名左傳定四年楚司馬戌云塞大隧直轅冥阨三者漢東之隘道總名曰城口魏晉以後義陽有三關之塞一曰平靖關亦名西關卽左傳之冥阨也一曰武陽關亦名東關卽大隧也一曰黃峴關卽直轅也皆在信陽州魏策無忌謂魏王作危險之塞危卽龜之字誤

鄂

江夏縣从邑留聲

五各切隸作鄂

注曰江夏郡鄂縣二志同今湖北武昌府武昌縣西南二里故鄂城是也江夏有鄂縣故南陽之縣曰西鄂

鄂

江夏縣从邑朱聲

繫傳有一曰魯有小邾國七字陟輪切

注曰江夏郡邾縣二志同前志曰衡山王吳芮都  
今湖北黃州府城去故邾城二里許是也今大江  
東流徑黃州府城南隔江相望者曰武昌縣水經  
曰江水又東過邾縣南鄂縣北是也酈善長曰楚  
宣王滅邾徙居於此王隱地道記劉昭郡國志注  
皆有此說但此事不見楚世家時楚之強未必滅  
此彈丸而居之又魯附庸國古名邾婁

鄖 漢南之國从邑員聲漢中有鄖關

羽文切

注曰左傳桓十一年鄖人軍於蒲騷宣四年若敖  
娶於鄖字或作邾杜曰鄖國在江夏雲杜縣東南  
有鄖城按今湖北德安府城卽故鄖都也漢水自

西北而東南德安在漢水北而云漢南者漢之下游地勢處南也又地理志曰漢中郡長利有鄢關按鄢關去鄢國甚遠其字同耳故別言之

鄢南夷國从邑庸聲

余封切

注曰牧誓有庸蜀左傳文十六年庸人率羣蠻以叛楚楚滅之杜曰庸今上庸縣屬楚之小國按二志漢中郡皆有上庸縣今湖北鄖陽府竹山縣東四十里有故上庸城尙書庸地在漢水之南南至江尙遠偽傳云在江南非也今字鄢行而庸廢詩風之鄢庸作鄢皆非也又按南夷國當作漢南國

鄢蜀縣也从邑卑聲

符支切

注曰蜀郡郫縣二志同今四川成都府郫縣北故

郫城是

郫蜀江原地从邑壽聲

市流切

注曰蜀郡江原縣二志同故城當在今灌縣境華陽國志曰縣在郡西渡大江濱文井江去郡一百二十里是也前志曰郫水首受江南至武陽入江蓋有郫地而以名江也今則無郫地郫江之偁矣

郫蜀地也从邑藉聲

秦音切

注曰錯曰按字書鄉名在臨邛

郫蜀廣漢鄉也从邑夔聲讀若夔

無販切

注曰蜀字衍漢有蜀郡有廣漢郡此云廣漢鄉上



文云蜀地皆不舉縣名者未審也

𡗗

汁原本作什  
今從段正

廣漢縣从邑方聲

府良切

注曰廣漢郡汁𡗗二志同今成都府什𡗗縣是也  
應劭注地理志曰汁音十如涓注功臣表曰汁音  
什漢王君平鄉道碑曰汁𡗗王卿是則漢時此縣  
名作汁字凡作什者以其音改之也

𡗗

存鄆犍爲縣从邑馬聲

莫駕切

注曰宋本皆作存或作郤者俗前志犍爲郡存鄆  
今本存作郤而師古不爲音知故作存華陽國志  
晉書尙作存今四川叙州府西南有郤鄆廢縣府  
西北六十里有郤鄆灘

欽定四庫全書

牂柯原本誤作牂柯今正

从邑敝聲讀若驚雉之驚

缺必

切

注曰牂柯郡營縣二志同前志曰不狼山營水所  
出東入沅過郡二行七百三十里今貴州遵義府  
城西有營縣故城方輿紀要曰雲南陸涼州北有  
廢營縣非是

ॐ

地名从邑包聲

布交切

注曰字廂於此當是西南夷之地

林

西夷國从邑井聲安定有朝那縣

切諾何

注曰其地當在今四川之西史記自徠以東北君長以什數并驍最犬在蜀之西又謂牂柯爲南夷

邛笮爲西夷邛蓋卽并驪之并古今字也按文王之子聃季賈逵韋昭皆云聃國名但其地闕史記作并索隱云并或作邛終莫詳其地也并聲本在侵覃部雙聲合韻也小雅商頌毛傳曰邛多也釋詁曰邛於也左傳棄甲則邛杜云邛猶何也今人用邛字皆爲奈何之合聲又魚藻箋云邛安貌安定郡朝邛縣二志同今陝西平涼府東南有朝邛故城許意蓋謂邛與朝邛異處如上文邛與邛關之例如淳朝音株○箋曰邛從并聲蓋聲變之異段謂侵覃與歌部合韻非是

邛  
邛陽豫章縣从邑番聲

薄波切

注曰豫章郡鄱陽縣二志同前志云有鄱水西入湖漢則縣在鄱水之北也今江西饒州府治鄱陽縣府東六十里有故鄱陽城府南有鄱江是也楚世家昭王十二年吳伐楚取番按字本作番故史漢皆曰番君吳芮地理志作鄱陽者漢字也



長沙縣从邑需聲

郎丁切

注曰前志長沙國鄱後志長沙郡鄱今湖南衡州府治衡陽縣府東廿五里有故鄱縣城是也有鄱湖卽荊州記水經注所云湖水釀酒甚美謂之鄱酒者也



桂陽縣从邑林聲

丑林切

注曰桂陽郡郴縣二志同今湖南直隸郴州卽古

郴縣漢桂陽郡治也

**桂陽郡陽縣从邑耒聲**

盧對切

注曰許謂郡卽今之耒陽縣如言卽卽今之新息  
鄭卽今之穰縣也其字旣異其地則一故言今以  
說之桂陽郡耒陽二志同今衡州府耒陽縣東四  
十五里有耒陽廢城耒陽以耒水得名

**會稽縣从邑賀聲**

莫侯切

注曰會稽郡鄞縣二志同今浙江甯波府治鄞縣  
府東三十里故鄞城是也

**會稽縣从邑董聲**

語斤切

注曰會稽郡鄞縣二志同今甯波府奉化縣有故  
鄞城說者謂以赤堇山得名越絕書所謂赤堇之  
山破而出錫是也蓋其字初作堇後乃加邑越語  
曰句踐之地東至於鄞韋曰今鄞縣是也

沛郡

繫傳作國

从邑市聲

博益切

注曰二志字皆作沛許不言沛縣者言郡而縣可  
知矣今江蘇徐州府漢沛郡地○箋曰漢沛郡治  
相在今安徽鳳陽府宿州西北沛縣漢屬沛郡今  
隸江蘇徐州府故沛縣在縣東段說未晰

邳

宋下邑从邑丙聲

兵永切

注曰下邑猶言小邑左傳邳郟邳意茲邳泄邳夏

皆非宋人公羊隱八年歸邲入邲九年脅齊侯于邲皆非宋地十年取防防者宋地疑當作邲

邲沛國縣从邑盧聲

繫傳有今邲縣三字昨何切

注曰前志沛郡鄆後志沛國鄆陳勝攻鉅鄆苦柘譙謂此鄆也今河南歸德府永城縣西南有故鄆縣城班固泗水亭長碑曰文昌四友漢有蕭何序功第一受封于鄆水經注曰渙水又東徑鄆縣城南春秋襄公十年公會諸侯及齊世子光於鄆今其地鄆聚是也按今三經皆作相鄆所據作鄆此皆古字作鄆之證許云今鄆縣者謂當時皆作鄆故著之○箋曰沛郡之鄆陳勝所攻之鄆渙水所

經之鄮皆當作鄮今本爲後人所改耳說見前鄮  
下繫傳衍今鄮縣三字亦後人所增段氏信爲許  
說誤矣錢氏大昕曰今永城縣東有鄮陽集土人  
讀如嵯

𡗗地名从邑少聲

音沼切

𡗗地名从邑臣聲

植鄰切

𡗗宋地也从邑龜聲讀若讒

土咸切

注曰左傳哀十七年宋皇瑗之子麋有友曰田丙  
而奪其兄鄮般邑以與之鄮般猶祁午孟丙鄮者  
般之邑也不詳其地在漢之何郡縣故但曰宋地

𡗗宋魯閒地从邑晉聲

卽移切



注曰左傳莊元年齊師遷紀邢鄆鄆杜曰三邑也  
北海都昌縣有訾城杜意訾卽鄆也許於下文鄆  
曰東海縣故紀侯之邑此不云紀邑而云宋魯閒  
地者據莊十一年公敗宋師于鄆而言也晉聲在  
古音眞部今在支韻者蓋由杜以訾城當之而同  
其讀耳集韻類篇皆有卽刃切

**周文王子所封國从邑鄆聲**  
古到切

注曰左傳富辰曰鄆雍曹滕文之昭也杜云濟陰  
城武縣東南有鄆城隱十年敗宋師取鄆蓋鄆附  
庸於宋魯隱取其地桓又取鄆鼎於宋僖二十年  
鄆子來朝則魯未滅之也許不云在城武者許意

以爲未審也今山東兗州府城武縣東南二十里有故郛城

郛衛地今濟陰郛城从邑聖聲

吉操切

注曰春秋莊十四年單伯會齊侯宋公衛侯鄭伯于郛杜曰郛衛地今東郡郛城是也濟陰郡郛城二志同謂在周曰郛在漢爲郛城縣也今山東曹州府濮州東二十里有郛城廢縣按古音在眞部○箋曰釋文經作郛注作甄亦作郛云音絹一音眞或音旃又舉然反按郛从聖聲當讀與甄同今音吉操切聲轉之異也

郛地段訂作郛在濟陰縣成濟陰縣从邑工聲

渠容切

注曰地理志山陽郡郛成侯國宋氏祁云郛當作  
邛外戚侯表邛成屬濟陰與山陽相距不遠按宋  
說是也玉篇邛字下曰山陽邛成縣此邛成之確  
證希馮蓋以前志正說文而不知說文與表合前  
漢時容有改屬故志表不符耳

郛

祝融之後妘姓所封涇洎之間鄭滅之从邑會聲

古外切

注曰鄭詩譜曰檜者古高辛氏火正祝融之墟檜  
國在禹貢豫州外方之北熒播之南居涇洎之間  
祝融氏名黎其後八姓惟妘姓檜者處其地焉後  
爲鄭桓公之子武公所滅按郛在外方之東非外

方之北也檜者假借字左傳國語作鄆今河南許州密縣古鄆地

𡗗

鄭邑也

从邑元聲

虞遠切

注曰左傳文四年晉侯伐秦圍祁新城以報王官之役廣韵云秦邑名是也今左傳鄭地無名祁者

𡗗

鄭地

从邑延聲

以然切

注曰左傳宣三年晉侯伐鄭及鄆杜曰鄆鄭地釋文鄆音延宋淳化本及明人補刻石經作延皆誤字也又宣十二年楚子北師次于鄆實一地也若隱元年大叔收貳以爲己邑至于廩延當別是一地字不从邑

鄆瑯邪莒邑从邑更聲春秋傳曰取鄆

古杏切

注曰此當云莒邑也在瑯邪如鄒周邑也在河內之例春秋傳左昭十七年文杜云鄆莒邑

鄆姓之國从邑禹聲春秋傳曰鄆人籍稻讀若規

桀之桀

王桀切

注曰春秋昭十八年邾人入鄆左傳曰鄆人籍稻杜云鄆姓國今瑯邪開陽縣前志東海郡開陽故鄆國後志開陽屬瑯邪開陽卽春秋經哀三年之啟陽也魯有鄆地爲啟陽今山東沂州府北十五里有故開陽城

鄆魯縣古邾國

段增作古邾婁國

帝顓頊之後所封从邑爲

聲

側鳩切

注曰魯國驪縣二志同周時或云鄒或云邾婁者語言緩急之殊也周時作鄒漢時作驪者古今字之異也邾婁各本無婁今依韵會正左穀作邾公羊檀弓作邾婁邾婁之合聲爲鄒夷語也國語孟子作鄒今兗州府鄒縣東南二十六里有古邾城○箋曰邾鄒聲轉之異不必定作邾婁

鄒邾下邑地从邑余聲魯東有邾城讀若塗同鄒切

注曰地當作也周禮雍氏注伯禽以王師征徐戎劉本徐作邾音徐按魯世家頃公十九年楚伐我取徐州徐廣曰徐州在魯東今薛縣玉裁謂楚所

取之徐州卽邾地疑非薛齊潛王三年已封田嬰  
於薛不能至魯頃公十九年魯尚有薛也城當作  
戎許書之例未有言城者邾戎卽周禮注之徐戎  
也今尙書作徐夷○箋曰鈕云玉篇引亦作邾城  
**邾**附庸國在東平亢父邾亭从邑寺聲春秋傳曰取  
**邾**書之切

注曰王制鄭注小城曰附庸附庸者以國事附於  
大國不能以名通也春秋襄十三年夏取邾邾者  
魯附庸也前志曰東平國亢父詩亭故詩國按當  
作故邾國許書當作亢父詩亭今山東濟甯州東  
南有故邾城

鄉魯下邑孔子之鄉从邑取聲

側鳩切

注曰論語孔注鄒孔子父叔梁紇所治邑也左傳杜注紇鄒邑大夫仲尼父叔梁紇也孔子世家曰孔子生魯昌平鄉鄒邑杜曰鄒邑魯縣東南莒城是也按莒城今不得其詳說者以爲今鄒縣西北之東鄒村西鄒集

齊魯孟氏邑从邑成聲

氏征切

注曰左傳昭七年晉人來治杞田季孫將以成與之杜云成孟氏邑本杞田定十二年將墮成公斂處父曰墮成齊人必至于北門杜云成在魯北境按孟氏邑非姬姓鄆國之地也今左傳隱五年衛



人入郕文十二年郕伯來奔僖廿四年管蔡郕霍  
文之昭也字皆作郕而許不云姬姓之國者蓋許  
所據左氏郕成字互易不可以今所據繩許也古  
郕國在今兗州府汶上縣北二十里故郕城不在  
魯北境○箋曰郕爲文王之昭則是姬姓之國無  
疑許云孟氏邑蓋偶未審不得臆斷以爲所據左  
氏郕成互易也竊疑郕國後歸於魯而爲孟氏邑  
字通作成實一地耳魯東北境與齊接壤而汶水  
在其北渾而言之則曰齊人必至于北門矣

朝周公所誅郕國在魯从邑奄聲

依檢切

注曰玉篇作周公所誅叛國商奄是也單呼曰奄

繫呼曰商奄書序孟子左傳皆云奄如踐奄歸自  
奄伐奄昭元年周有徐奄是也左傳又云商奄如  
昭九年蒲姑商奄吾東土也定四年因商奄之民  
命以伯禽而封於少皞之虛是也奄在淮北近魯  
故許云在魯祝鮀說因商奄之民封魯者杜云或  
遊檄在魯是也今曲阜縣城東二里有奄城云故  
奄國卽括地志之奄里此可證遊檄在魯之說幽  
風四國是皇毛傳四國管蔡商奄也商謂武庚則  
此傳商奄爲二○箋曰左氏所云蒲姑商奄商奄  
之民亦皆謂二地玉篇云叛國商奄竝同無單呼  
衆呼之說也

鄆魯下邑从邑藿聲春秋傳曰齊人來歸鄆

呼官切

注曰春秋經定十年齊人來歸鄆謹龜陰之田鄆公羊作運謹三傳皆同許作鄆容許所據異也應劭注前志引春秋哀八年取鄆及闡字亦作鄆賈服云鄆謹二邑名左傳桓三年杜注謹魯地濟北蛇丘縣西有下謹亭○箋曰凡地名加邑者多後出之字非必所據異也

鄆魯亭也从邑良聲

魯當切

注曰左氏隱元年傳費伯率師城郎杜云郎魯邑高平方與縣東南有郁郎亭按以郎爲男子之僞及官名者皆郎之假借字也

解

奚仲之後湯左相仲虺所封國在魯薛縣从邑不

聲

數悲切

注曰左傳定元年薛宰曰薛之皇祖奚仲居薛以爲夏車正奚仲遷於邳仲虺居薛以爲湯左相諧云薛任姓黃帝之苗裔奚仲封爲薛侯今魯國薛縣是也奚仲遷於邳仲虺居薛以爲湯左相武王復以其胄爲薛侯齊桓黜爲伯小國無記世不可知亦不知爲誰所滅魯國薛縣二志同應劭注東海下邳曰邳在薛其後徙此故曰下接呂后三年封楚元王子郢客爲上邳侯上邳卽薛也今山東兗州府滕縣南四十里有故薛城下邳在今江蘇

徐州府之邳州

鄆

紀邑也从邑章聲

諸良切

注曰春秋莊三十年齊人降鄆公羊穀梁皆曰鄆紀之遺邑也劉歆賈逵依之許說同杜云紀附庸國東平無鹽縣東北有鄆城距紀太遠非許意也古紀國在今青州府壽光縣西南三十里紀城鄆邑當附近卽昭十九年左傳之紀鄆杜云在東海贛榆是也紀鄆者本紀國之鄆邑猶齊語紀鄆謂紀國之鄆邑也莊三十年之鄆卽此杜分爲兩地非今江蘇海州贛榆縣北七十五里有故紀鄆城亦曰紀城

邳國也今屬臨淮从邑干聲一曰邳本屬吳

胡安切

注曰左傳哀九年吳城邳溝通江淮杜云於邳江  
築城穿溝東北通射陽湖西北至末口入淮通糧  
道也今廣陵邳江是地理志廣陵國江都有渠水  
首受江北至射陽入湖江都縣前志屬廣陵郡許  
云今屬臨淮者許意邳國地當在前漢臨淮郡不  
在廣陵也錢氏大昕曰許前後兩說後說似卽左  
氏吳城邳溝通江淮之文○箋曰吳城邳溝通江  
淮則邳本屬吳不待言且旣曰通江淮其不在臨  
淮郡地亦明矣此疑妄人所改非許氏原文也

臨淮徐地从邑義聲春秋傳曰徐鄰楚

魚鱗切

注曰前志曰臨淮郡徐故國盈姓春秋時徐子章禹爲楚所滅後志曰下邳國徐本國後志之下邳國卽前志之臨淮郡也今安徽泗州北五十里有故徐城廢縣鄴者徐縣地名左傳昭六年徐儀楚聘于楚杜云儀楚徐大夫許所據左作鄴以邑爲氏古本古說也

**東平無鹽鄉从邑后聲**

胡口切

注曰東平國無鹽二志同杜曰故宿國今山東東平州東二十里有故無鹽城前志曰無鹽有郕鄉左傳昭二十五年臧會逸奔郕杜曰東平無鹽縣東南有郕鄉亭左正義曰此時尙爲公邑後爲叔

孫私邑

炎

東海縣帝少昊之後所封从邑炎聲

徒甘切

注曰東海郡郯縣二志同今山東沂州府郯城縣西南百里有故郯城前志曰郯故國少昊後盈姓按盈卽嬴字春秋宣四年公及齊侯平莒及郯

郯

東海縣故紀侯之邑也从邑吾聲

五平切

注曰前志云東海郡郯縣疑此當云郯鄉東海縣春秋莊元年齊師遷紀郯郯郡杜云郯在東莞朱虛縣東南按前漢郯縣後漢并入琅邪之朱虛永初元年朱虛又屬北海國晉屬東莞郡故杜預劉昭皆云朱虛有郯城朱虛今青州府臨朐縣東



六十里故朱虛城是也故郿城在今青州府安丘縣西南六十里

鄒東海之邑从邑舊聲

戶圭切

注曰春秋莊三年紀季以鄒入于齊前志留川國東安平孟康注春秋之鄒今鄒亭是也後志東安平屬北海國有鄒亭按前志留川國後并北海疑許當云北海之邑鄒亭在今青州府臨淄縣東

鄒姓國在東海从邑會聲

疾陵切

注曰前志東海郡繪故國禹後後志琅邪國繪故屬東海今兗州府繹縣東八十里有故鄒城按國名之字左傳公羊作鄒國語穀梁作繒左傳衛成

公命祀夏后相甯武子不可曰杞鄫何事國語韋  
注杞繒二國姒姓夏禹之後按許書無姒字漢碑  
作似

𢆶琅邪郡从邑牙聲

以遮切

注曰前志琅邪郡秦置屬徐州後志琅邪國屬徐  
州刺史部許從前漢之制故曰郡前志郡領東武  
等五十一縣今兗州府東境沂州府及青州府南  
境莒州萊州府南境膠州一帶皆是其地今兗州  
府諸城縣東南百四十里有故琅邪城古齊琅邪  
邑也其地有琅邪山管子齊桓公將東游南至琅  
邪孟子齊景公欲遵海而南放於琅邪蘇秦說齊

宣王曰齊南有泰山東有琅邪皆謂今諸城縣古書用爲裏正字又用爲辭助近人隸書從耳作耶由牙耳相似臧三牙或作臧三耳○箋曰邪變爲耶者俗書牙字旁畫從橫相聯便成耳也

琅邪縣一名純德从邑夫聲

甫無切

注曰前志琅邪郡却後志無并省也漢孝文元年封呂平爲侯國前志曰莽曰純德

齊地也从邑泰聲

親吉切

齊之郭氏虛善善不能進惡惡不能退是以亡國也从邑章聲

古博切

注曰郭本國名郭國既亡謂之郭氏虛如左傳言

少昊之虛昆吾之虛大暭之虛祝融之虛也郭氏  
虛在齊境內虛墟古今字郭國事見韓詩外傳新  
序風俗通皆同今以爲城章字又以爲恢郭字又  
左傳號國字公羊作郭

齊地从邑兒聲春秋傳曰齊高厚定卿田

五雞切

注曰左傳襄六年齊侯滅萊遷萊于卿高厚崔杼  
定其田杜云遷萊子於卿國正義云卿卽小邾小  
邾附屬於齊故滅萊國而遷其君於小邾按今鄒  
縣有故邾城滕縣東南有卿城皆魯地許意卿是  
齊地非小邾國也

郭海地从邑孛聲一曰地之起者曰郭

蒲沒切

注曰此當從錯本作郭地鉉本作郭海地非是勃  
海郡字不作郭假令可作郭則許當云郭海郡而  
不曰地一曰地之起者周禮草人勃壤用狐鄭云  
勃壤粉解者廣雅埤塵也今俗謂粉之細者曰勃  
皆卽郭字地之起者謂虛脆○箋曰凡地名相承  
增改邑旁者不可枚舉此實勃海郡字後出从邑  
耳說解地字卽郡之譌段說非鈕云玉篇引海下  
有郡字

𡗗國也齊桓公之所滅从邑覃聲

徒含切

注曰衛風曰譚公維私小雅曰東國困於役而傷  
於譚譚大夫作大東以告病左傳莊十年曰齊師

滅譚譚無禮也譚子奔莒同盟故也今濟南府東南七十里  
有故譚城按詩春秋公穀皆作譚許書無譚字蓋許所據从邑○箋曰許無譚字蓋偶遺之从邑者後出之字耳

𡩺

地名从邑句聲

其俱切

注曰左傳注多不言名許君亦不言名如郭地也邠地也以及邑也國也皆是凡言名者後人所改

𡩺

陳畱鄉从邑亥聲

古亥切

注曰陳畱郡今河南開封府東至歸德府西皆是其境陳畱郡屬有陳畱縣此不云陳畱縣鄉但云陳畱鄉有未審也

說文解字注卷第六  
戴故國在陳畱从邑戔聲

作代切

注曰春秋隱十年宋人蔡人衛人伐戴三經皆作戴惟穀梁音義曰戴本或作戴而前志作戴古戴戴同音通用耳許作戴所據从邑也前志云梁國畱故戴國後志云陳畱郡考城故畱注引陳畱志云古戴國今河南衛輝府考城縣東南五里有考城故城漢之雒縣古之戴國也畱與戴古音同許云在陳畱者章帝改名考城屬陳畱也

齊地名从邑燕聲

烏前切

注曰齊有高鄒卽高偃高侯之元孫左傳曰敬仲之曾孫者古人立文後裔統云曾孫

𡗗地名从邑止聲去鳩切

注曰今制諱孔子名之曰耶

𡗗地名从邑如聲人諸切

𡗗地名从邑尹聲女九切

𡗗地名从邑几聲居履切

注曰西伯伐桀周本紀作者徐廣曰一作汎汎葢

卽耶字

𡗗地名从邑翕聲希立切

𡗗地名从邑求聲丘鳩切

注曰玉篇曰邾鄉在陳雷

𡗗地名从邑嬰聲於郢切



鄆地名从邑尙聲

多則切

注曰廣韻曰鄆地名說文作鄆按今俗以爲鄉黨

字

鄆地名从邑并聲

薄經切

注曰前志齊郡臨朐應劭云有伯氏駢邑後志齊國臨朐有古邦邑按春秋莊元年齊師遷紀邦鄆鄆杜云邦在東莞臨朐縣東南齊取其地然則伯氏駢邑卽此地駢卽邦字今青州府臨朐縣東南有邦城是也未知許意然不

鄆地名从邑虞聲

呼古切

注曰玉篇云魯地名

𡗗地名从邑火聲

呼果切

𡗗地名从邑蓼聲

盧鳥切

注曰左傳文公五年楚滅蓼釋文云字或作鄧穀  
梁宣八年經楚人滅舒鄧釋文云本又作蓼按前  
志六安國後志廬江郡皆作蓼許不謂此也○箋  
曰此卽蓼之異文耳

鄧地名从邑爲聲

居爲切

注曰春秋襄七年公會晉侯宋公陳侯衛侯曹伯  
莒子邾子于鄆杜云鄆鄭地

𡗗地名从邑屯聲

此尊切

注曰本音脉屯聚之意也俗讀此尊切又變字爲

村

鄒地名从邑舍聲

式車切

注曰玉篇引春秋徐人取郕杜預云今廬江舒縣  
按僖三年三經皆作舒魯頌亦作舒二志廬江舒  
縣亦皆作舒未審希馮所據

鄒地名从邑盍聲

胡蠟切

注曰二志泰山郡皆有蓋縣孟子有蓋大夫廣韻

蓋姓字書作鄒古盍切

鄒地名从邑乾聲

古寒切

鄒地名从邑喬聲

讀若淫

力荏切

鄒地名从邑山聲

所閑切

鄧地名从邑臺聲臺古堂字

徒郎切

注曰玉篇鄧鄧二同引續漢書云廣陵鄧邑也按續漢書謂司馬彪郡國志也今志作堂邑云故屬臨淮春秋時曰堂考左傳襄十四年楚子囊師于棠以伐吳昭二十年棠君五尙字皆从木而廣韵引風俗通堂楚邑大夫五尙爲之其後氏焉字从土蓋今左傳从木或誤堂邑今江蘇江甯府六合縣是也許但云地名未知謂此地與否

馮

姬姓之國从邑馮聲

房成切

注曰廣韵曰畢公高之後食采於馮城因而命氏左傳云畢者文之昭王肅注尙書云畢毛文王庶

子按許既知爲姬姓國則當知其地所在蓋古本次第可推今本寫者奪之補綴於此

**邠**汝南安陽鄉从邑𠂔省聲

𠂔毛本作𠂔苦怪切

注曰汝南郡安陽二志同今河南汝甯府正陽縣東故安陽城是也有鄉名邠邠省聲宋版及小徐皆不从艸艸部𠂔耳部聲皆邠聲則固有邠字矣

**邠**汝南上蔡亭从邑甫聲

方矩切

注曰汝南郡上蔡二志同今汝甯府上蔡縣西南十里故蔡城是也有亭名邠按邠邠二篆當與邠卽邠邠等篆爲伍寫者奪之補綴於此

**邠**南陽縣从邑麗聲

卽擊切

注曰南陽郡鄧縣二志同今河南南陽府內鄉縣  
東北有故鄧縣城按蘇林如淳皆音擲小顏漢書  
注鄧姓音歷縣名音同蘇如又按鄧篆當與郢鄧  
鄧鄧郢郢六篆爲伍寫者奪之而補綴於此

鄧地名从邑舉聲

七然切

𡗗从反邑𡗗字从此闕

注曰闕謂其音闕也

文一百八十四

段據繫傳補與篆於邨字之次云廣韵蒸韵集韵證韵皆

引說文則當有之重六

𡗗鄰道也从邑从𡗗凡𡗗之屬皆从𡗗

胡絳切今隸變作邨

注曰道當爲邑字之誤也其字从二邑會意闕謂

其音未聞○箋曰戴氏侗曰髡卽鄉也周官三鄉則公一人謂之鄉合故从二邑相鄉因之爲鄉背

鄉

國離邑民所封鄉也嗇夫別治封圻之內六鄉六

卿治之

卿原本誤作鄉今從繁傳

从邑自聲

許良切

注曰離邑一國中離析爲若干邑也封猶域也百官公卿表曰縣大率十里一亭亭有長十亭一鄉鄉有三老有秩嗇夫游徼三老掌教化嗇夫職聽訟收賦稅游徼徼循禁盜賊司馬彪百官志曰鄉置有秩三老游徼鄉小者置嗇夫一人封圻上當有周禮二字上云嗇夫別治言漢制此云六鄉六卿治之謂周禮也許書凡言郡縣鄉亭皆漢制

里中道从毘从其皆在邑中

通所共也

胡絳切

共

篆文从毘省

隸變作巷

注曰里中之道曰巷古文作毘爾雅作街引申之  
凡夾而長者皆曰巷十七史言弄者皆卽巷字語  
言之異也今江蘇俗尙云弄○箋曰巷古音讀如  
閑其當爲聲今京師謂之衢衢卽街之切音轉爲  
平聲

文三 重一



說文解字第六

下